



本館自購

金明楊德周編


二十卷

不崇禎刻本

十冊

天津圖書館藏





Handwritten scribbles or faint markings in the bottom left corner, possibly including the characters '五' and '二'.

文徵叙言

搜文献於東陽辟之柴

胡桔梗求諸畢黍梁

父之陰却車而載耳

一

而鄒魯之盛至今未

免嘈祀宋之衰涼風緒

論幾、虜與人骨俱朽

是因後起者七有責



焉奚補斯文之不靈也

夫作不得述則漫漶失傳

而述較你踰難何以故

作者千百世之手踵起

叙二

千百世而述者千百世之

目度之一日又况具是手

始具是目非大匠則向背

不鞞楹筵非製衣錦手

則剪裁幾若刀尺故難也
公餘之暇悉力網羅若罔
經志乘之以輯故家野
老之所收簡編煨燼之奇

叙三

零碑碣皆以鮮之剝蝕盡

圯積灰累劫中攫取而

嚙其薪火之傳昕夕耳

鉛又為汰穢闡幽剔浮

前高於是詩文諸體
種，卒具而為詞賦若
理學為經制人各經緯
入寇而家忘源流歸

叙四

墟矣此邦文獻庶其足

則微，則信乎或曰前此

為敬鄉賢達文統文軌

諸編略備至此乃微耶

余曰穆叔不云乎德力言
蓋鼎峙焉此邦鉅儒蔚
興其河洛秘旨誠正微言
歷世尊為斗極延或立德
之言獨伸而立功之言立

叙五

立言之言偏絀前此持勢
文權衡者疑亦不無少褊
余故崇宋元臯比以食

布帛菽粟之德兼抱

齋梁楮墨以滙雕繡珍錯

之奇讀成公四先生諸

他如入宗廟琅々禮樂器

卷六

及誦宗忠簡鄭忠愍唐

與以陳同父諸篇則又入武

庫森々見戈戟也大要使

立功立言之言與立德之言

並行不悖而儒者性命才
人菁莪與夫英雄豪傑
之籌畫胥悅表章呵護
之餘並現鬚眉另起壇

叙七

坵倘於繼往開來知人論
世有少助焉若夫人與
言互存事與理錯載又或
大以水苗顯沿激怒沒以

存紀褒借貶彰斯於一
切義例不之若心蓋余每
能具千百世之目而廣借
千百世之手拂拭吾目而
因以無沒其手案又安能

具千百世之手而竊附千
百世之目表章其手而因
以無昧吾目故曰作述不

傳而述較作踰難也者
琅嬛之宮所藏皆靈文秘
簡中者神龍守之使
獲灰泉劫中攫取而噓

卷九

新大之傳支安得守以
神龍護持永無恙哉
集告竣正之

司憲莊公曰此邦文獻

却車而載自登藥籠俱
成刀圭大還矣金婺爭輝
上燭霄漢此集云乃其文
附之苞符即一遂次其禮

叙十

弁諸簡端是役也同志

則賴奎華高令君而尸

履繡鞞則學博楊君

實有成勞焉


崇禎庚午長至日滇中

阮元聲書於安州

李暑



卷十一



金華文徵序

婺州東陽舊郡也自漢晉以來迄

宋元至

皇明人文代興炳如蔚如稱極盛
矣大都山川蜿蜒豁洞磅礴故精
靈所現發為詞賦為理學為經濟

而此郡文獻頡頏鄒魯此固中原
佻華非台巖兩目所能彷彿也要
以資塵談則奢登筆乘實鮮先是
如舒駱諸公以藻麗擅名家而宋
元崇尚理學最厭薄菁華一途譬
之披布帛而毳罽繡組不復御習

菽粟而麟脯豹胎逢之不屑下匕
箸也此其絀者一文章不適于用
鉅儒恥之而此中同時並興者語
恢復則唾為麤豪談經制則鄙曰
滅裂譬之矜宮墻則雍容當壁壘
則抱竄彼三揖三讓亦何當于九

二

代六伐也此其絀者二又如陳同
父唐說齋俱人倫冠冕文章壇坫
而此原同一理學一經濟也偶有
矛盾群起而抑其聲價譬之墨守
輸攻不能相下而獨抱成方以詫
上池即有語禁方靈藥斬關奪門

者亦閉戶謝之也此其絀者三而抑且人文漫漶縹緲浮沉如諸蘇諸杜胡汲仲張孟兼諸公俱無從訪其遺編則又絀郡邑諸誌惟蘭谿出楓山先生手號可傳他不稱是而文統文軌篇帙寥寥又止收

三

宋元峩冠博帶語毫不敢旁錄一天心月脇之章又奚稱曠覽鴻苞乎則又絀嗟乎論世之難則誦詩讀書難也蓋祀宋之嘆千秋同慨矣幸余寅丈

霞嶼阮公占金馬碧鷄之勝兼雕

龍繡虎之長簿書之暇尤營櫛先
哲文獻一鉅事乃借金華令高君
學博楊君上下古今昕夕袞鉞用
成文徵一書昭垂不朽此可不謂
東陽大主盟表章羽翼傳之永
者哉今讀是編臚列千百年之載

四

籍著龜炳而日星昭而詞賦則擊
玉撻金也理學則登堂入室也經
濟則借箸捫蝨也于是乎其體或
微大成畢集此則大將據胡床而
萬竈千營號令肅然大匠操斤指
揮而千門萬戶丹堊柱礎不日落

成也。婺中諸先哲精英實式靈之
得不與蔓草荒烟並腐先生之功
即未得方素王春秋將母與晉乘
楚書史記陽秋同登作者之壇耶
抑余有說于此先生獨擷此地文
獻故余幸藉手以復倘更搜遊宦

五

茲土文采焜燿如休文其人者余
安所得八詠諸篇為出守東陽者
增一段佳話則公猶為余藏拙余
滋媿矣

崇禎庚午孟冬閩中年家寅侍弟

陳其仁頓首拜題

金華文徵序

八婺文徵者金邑學博楊君所

輯而

司李阮公裁定而布之不朽者

也文徵何云吾夫子讀易至賁

曰觀乎人文以化成天下又曰

南京穆春英刻

杞宋無徵夏殷是醜文而係之
以徵則徵固操文章之權也然
徵文者有練川楮陸之常不可
無鳳宕龍門之隱有典謨訓誥
之顯不可無竹墳石鼓之奇金
華爲文獻故區鉅儒鴻製代不

乏流而風微澤遠或湮古蹟或
散人間使吊古者愾然于韓陵
片石之遺殊堪惋愴楊君署教
茲土含珠吐貝風多士于蘓湖
而就婺鐸婺借先進遺文以永
其傳凡長篇短簡斷碣荒碑世
所未傳目所未覩無不搜採每
得一章如聆鈞樂抱國球積久
成帙俾婺州文獻晦而復徵君
勞勩居多也會

昆明阮公以蓋代才人司李茲
郡爰取腹笥印諸架軸嘉與斯

文廣羅嚴覈其用光琬琰者多
手出丹鉛于是茲集有典有要
罔濫罔遺非夜光不積懸圃非
鎮圭不登廟序而大雅還大成
集矣我韓公之功在一郡乃其
在千禩先哲有靈其爲奕世之

三

文獻生色豈不亦馨黜素而護
風雷哉執掌之餘計者輿楷計
者相繼北征此役適告竣輒爲
訂黎棗綴姓氏以告成事惟是

我

司李公立德立功立言之業如

山有泰華水有溟渤方且採風
雅之遺以成陽秋度宇宙之全
以宏黻黼其以翼

祚經邦化成天下則斯編其先
鞭而非謂遽足窺公之大也

下有羽翼所藉上有主盟永永

四

經國之業具足風師矣余不佞
敢沾沾表章竝詫微勞乎哉

庚午陽月蜀忠高倬頓首謹題



金華文徵姓氏傳畧

漢

楊喬

義烏人其先世家河東高祖茂從光武為威冠將軍封烏傷新陽侯因家焉喬為尚書儀容偉麗數直言政事桓帝愛其才貌詔妻以公主喬固辭不聽

吳

駱統

字公緒義烏人俊之子孫權領會稽太守統試為烏程相民戶通萬咸稱其惠理權甚嘉之召為功曹行騎都尉妻以從兄女出為建忠郎將時征役繁數民戶咸統上疏權稱善後隨陸遜破蜀軍遜偏將軍以拒曹仁有功封新陽亭侯後為濡須督數陳便宜前後書數十上權皆納用焉

金華文徵

姓氏傳畧

南京韓仕鉉刻

梁

劉峻

字孝標本平原人愛金華山卜居于此講業紫微岩四方來學者不計其人

唐

駱賓王

義烏人與王勃楊炯盧照隣稱四傑初為道王府屬歷武功主簿尋調長安武后時數上疏言事下除臨海丞棄官歸李敬業起兵署為府屬及敬業敗賓王亡命逸去中宗詔求其文得數百篇

徐安貞

舊名楚璧字子珍蘭谿人以文顯嘗應制科歲三上俱及第神龍丙午進士開元二年以武陟尉選入殿判正累遷起居舍人賜各安貞遷中書舍人內供奉二十年除簡較工部侍郎封東海子卒贈

馮宿

字拱之東陽人貞元中進士是年一榜僅二十三
人皆天下名士號龍虎榜而宿與焉任終東川節
度使卒謚懿生平著作遺命悉納墓中弟定從弟
審寬及子圖皆進士

舒元輿

金華人元和中進士拜監察御史按劾無所縱累
遷左司郎中署御史中丞尋同中書門下平章事
與甘露之難與弟元褒元肱元迴皆前後舉進士
以文章著名

舒元褒

金華人元輿弟應寶曆賢良方正直言敢諫科仕
終司封員外郎

宋

金華文徵

姓氏傳畧

二

胡則

字子正永康人端拱己丑進士仕終兵部侍郎致
仕卒則嘗奏免衢婺二州身丁錢民懷其德立像
祠之在永康方岩者賜額赫靈祠至今香火甚盛

滕甫

字達道一字元發東陽人九歲能詩范仲淹奇之
俾從胡瑗學舉進士累遷戶部判官神宗召問治
道因陳朋黨之亂稱旨進知制誥知諫院拜御史
中丞仕終龍圖閣直學士卒謚章敏祀鄉賢

徐無黨

永康人姓名見歐陽公送歸序嘗游公門為公註
五代史後舉進士宰河南屬縣見公所與手帖中

錢適

字德循浦江人熙寧丙辰進士歷遷通判越州攝
府事有善政擢殿中侍御史風望凜然累遷寶謨

閣直學士奉祠後爲方臘兵所害贈大中大夫夫過少記問過人無所不學晚尤深于曆數爲文自成一家言

宗澤

字汝霖義烏人元佑六年進士第歷仕集英殿修撰從康王起兵入援戰退金人王承制除徽猷閣待制時二帝北行澤謀恢復之計累除資政殿學士方赴日大舉渡河前後連上二十餘疏爲黃潛善等所沮憂憤疽發于背而卒謚忠簡祀鄉賢

方甸

字仁夫金華人博學好古與兄勾隱居烏程之洎宅村未壯而卒故名不甚稱于時

梅執禮

字和勝浦江人崇寧丙戌進士知滁州奏免鹽額損二十萬民德之皆繪像焉欽宗召爲翰林學士

金華文徵

姓氏傳畧

三

潘良貴

靖康難謀劫二帝不遂爲虜帥所害詔加贈資政殿學士謚節愍祀鄉賢執禮通諸經尤深于易

字子賤原名京金華人以上舍釋褐爲璧雍博士遷秘書郎仕終待制提舉明道宮歸十年不出居貧著書朱子爲序極其推重弟良能良翰竝進士世稱默成先生祀鄉賢

鄭剛中

字亨仲金華人紹興二年進士第三人歷仕端明殿學士四川宣撫使秦檜見蜀中饒富使進金三萬兩不從檜怒因文飾其罪謫桂陽軍居住再徙封州卒檜死追復原官謚忠愍祀鄉賢

張志行

字公澤東陽人力學砥行見推鄉閭州郡屢辟不應紹興三年浙東宣諭使朱異表賜號冲素處士

倪朴

字文卿浦江人性敏捷過目不忘辯駁極精其爲學必欲見諸行事陳亮極稱之紹興間以布衣擬陳征討大計草疏數千言爲時所沮嘗以天下戶口多寡用兵要害審過考羣書成輿地會元志四十一卷又令古今夷夏繪爲一圖手畫心計洞悉戰守之地

賈廷佐

字子野東陽人紹興二年進士累官大理司直通判湖州台州遷詳定一司勅令所刪定官後知處州遂致其事贈朝奉大夫今祀鄉賢祠廷佐爲桐廬縣主簿時兩上書論虜不可和欲斬王倫決意用兵其憤激不減胡銓云

蘇籀

字仲茲穎濱子遲之長子也遲爲金華守遂家于此籀以磨補官爲太府監丞少侍文定公講學以文采見知諸公喜論事多著述

金華文徵

姓氏傳畧

四

范浚

字茂明蘭谿人紹興間常舉賢良方正以秦檜當國不起閉門講學學者稱爲香溪先生朱子常手錄其心箴今見孟子集註中先生同氣十人其九子皆鄉薦而先生獨以道學傳祀鄉賢

唐仲友

字與政金華人博涉羣書登紹興進士第復主宏詞科累官判建康府上萬言書上嘉納之再轉知台州俄爲同官所忌劾罷主管建寧武夷山冲道觀開席授徒學者雲集所著書三百餘卷見仲温仲義皆進士

曹冠

字宗臣東陽人紹興甲戌進士第二人擢太常博士秦檜嘗令諸孫師事之緣此坐累孝宗時得旨再試中進士乙科任終朝奉大夫

喻良能

字叔前義烏人以太學登進士第累官國子博士召兼工部郎官除太常丞兼舊職請外知處州尋奉祠歸以朝請大夫義烏縣開國男食邑三百戶致仕兄良倚同登進士子不伐焜演國衡皆進士

蘇諤

字伯昌金華人遲之孫簡之子也以祖恩初任浙東帥屬知台州仙居縣累遷江東運副後奉祠卒累贈正奉大夫

何恪

字茂恭義烏人紹興庚辰進士為徽州錄事參軍未赴纂恢復二十策欲進之因與時議不合而歸龍川常評其文由峙玉立地圓海溷目空宇宙

呂祖謙

金華文徵

姓氏傳畧

五

字伯恭金華人初廕補入官後舉進士復中博學弘詞科累除著作郎兼國史院編脩官不就添差兩浙東路安撫司叅議官亦不就改主管亳州明道宮卒學者稱為東萊先生後從祀孔廟

陳炳

字德先義烏人好古文務為奇語登乾道進士第為太平縣主簿

呂祖儉

字子約金華人祖謙弟受業于兄以父廕入官監明州倉將上會祖謙卒祖儉必欲終期喪朝廷從之歷官通判台州寧宗即位除太府丞上言忤韓侂胄被謫量移高安朱子持相推重以已不能一言為媿今祀鄉賢

葛洪

字容甫東陽人淳熙甲辰進士仕終叅知政事卒謚端獻贈太師信國公洪少從東萊先生學高風

勁節追媿古人

徐僑

字崇甫義烏人淳熙進士受業朱子之門累除直
寶謨閣待制上疏感憤剴切上為嘉納賜金帛悉
辭不受除兼侍講建言子思宜配享二程趙汝愚
宜列從祀王安石當罷悉從之尋陞集英殿修撰
提舉祐神觀兼侍讀固辭遂以寶謨閣待制奉祠
卒謚文靖

徐次鐸

字文伯一字仲友東陽人紹熙庚戌進士又試博
學弘詞科為山陰尉嘗效周禮作漢官又補注唐
書三百篇及釋糾辯繆十卷

陳亮

字同甫永康人淳熙五年請闕上書孝宗赫然震
動欲榜朝堂以勵羣臣將擢之官為曾覲所沮後
金華文徵
姓氏傳畧

六

以醉語為刑部侍郎何澹檄狀以聞下大理誣服
不執孝宗知其妄得免罪歸益勵志讀書朱子亦
心服其議論光宗即位策進士亮擢第一未上官
卒謚文毅

喬行簡

字壽朋東陽人學于呂成公之門紹興癸丑進士
典藩郡兩入相推轂賢士年八十五致仕加少傅
封魯國公卒謚文惠人稱為孔山先生

夏明誠

字敬仲金華人其學本呂東萊而自負甚高慶元
丙辰進士第三人為安康節推遂致仕

章如愚

字俊卿金華人慶元丙辰進士累官國子博士未
幾改知貴州政績大著被召上疏極陳時弊因忤
韓侂胄罷歸講學著書遠近師之學者稱為山堂
先生今祀鄉賢

呂皓

字子陽永康人初以賑粟當補官淳熙中領鄉薦
上禮部會父兄為人誣搆係獄皓投匭上書欲納
官贖罪朝奏夕報可由是知名

范鍾

字仲和嘉定元年進士歷官武學博士累遷尚右
郎官兼崇政殿說書召對稱旨累官兵部尚書終
左丞相兼樞密使卒贈少卿謚文肅清德雅量與
杜範李宗勉齊名

呂銖

字愚叔永康人皓子嘉定戊辰進士

王楚

字子文金華人真定進士真德秀異之延致
幕下因知考亭之學仕終端明殿學士簽書樞密
金華文徵 姓氏傳畧 七

院事因與宰相不合罷提舉洞霄宮卒贈特進祀
鄉賢

杜旂

字叔高蘭谿人嘗問道于晦翁與辛幼安諸人友
善端平初以布衣召入館閣較讐與兄伯高仲高
弟季高幼高皆博學善古文詞時稱杜氏五高

時少章

字天燹金華人天才絕出博極羣書尤精史學由
鄉貢入太學年六十始登寶祐癸丑進士調麗水
主簿改婺州教授兼麗澤山長累擢史館檢閱為
忌所劾改授保寧軍節度掌書記奉祠卒祀鄉賢

杜去輕

字端甫蘭谿人仲高子與伯高子去偽叔高子去
非幼高子去華皆有文名

何基

字子恭金華人父伯斐爲臨川丞時黃勉齋幹爲令因師事焉得聞伊洛淵源學成授徒來學者衆郡守延聘且聞于朝賜初品宮本州文學員外兼麗澤山長辭度宗除史館校勘兼崇政殿說書辭益力卒年八十一國子祭酒楊文仲請于朝謚文定世稱北山先生與王栢金履祥許謙特祠勅祀

王栢

字會之金華人祖師愈從楊時及潘良貴游父潛從朱呂受業栢年三十始知家學之原卒業北山之門得聞立志居敬之旨博極羣書經史多所發明所著書數百卷卒謚文憲學者稱爲魯齋先生

杜仕賢

字希聖幼善屬文既冠游鄉校開慶己未補入右庠甲子星變抗疏言賈相之奸聞者駭愕咸淳乙丑登武進士第授承節郎武岡軍新寧薄平賊有功肝貽軍守辟爲安吉州僉廳以母憂歸卒

金履祥

金華文徵

姓氏傳畧

八

字吉甫蘭谿人博涉羣書師事王栢造詣益邃時宋將亡履祥以布衣進牽制擣虛之策時莫能用德佑初以迪功郎史館編脩起之辭不就屏居金華山中開導來學者稱爲仁山先生至正中謚文安

胡長孺

字汲仲永康人居仁子性聰敏九經諸史下逮百氏靡不貫通咸淳中以任子入官銓試第一歷任福寧州倅宋亡歸隱至正中詔不仕長孺與兄之綱之純皆以學術爲郡人倡學者宗之時稱三胡

方鳳

字韶父浦江人舉禮部不中第後以特恩授容州文學宋亡遂無仕志縱意優遊盡交海內名士

周夢孫

字永康人德祐時以文名

謝艸

字臯羽閩浦城人文天祥門客宋亡遍遊金華久寓方鳳吳思齊家悲憤之志見于詩歌

元

黃潛

字晉卿義烏人延祐二年進士累遷國子博士未幾召除翰林直學士知制誥同脩國史尋兼經筵官陞侍講學士屢上章得謝而歸卒謚文獻追封江夏郡公祀鄉賢

吳萊

字立夫浦江人天資絕人過目成誦延祐七年以春秋舉上禮部不利退居著書講授生徒常以鄉史薦調長卿書院山長未上卒祀鄉賢

柳貫

金華文徵

姓氏傳畧

九

字道傳浦江人博極羣書受經仁山之門為文沈鬱春容用察舉為江山儒學教諭累遷太常博士提江西等處儒學至正元年召為翰林待制兼國史院編脩官卒祀鄉賢父金咸淳進士

許謙

字益之金華人幼聰敏長從仁山先生盡傳其學居八華山中四方之士翕然從焉當道者列其行誼于朝郡以遺逸應詔不為動卒謚文懿奉敕與何基王栢金履祥同祀崇正書院

吳師道

字正傳蘭谿人博極羣書嘗以持敬致知之說贊于許謙登至治元年進士累遷國子助教尋陞博士積階儒林郎以奉議大夫禮部郎中致仕卒祀鄉賢

張樞

字子長金華人幼聰慧讀書過目不忘至正二年右丞相脫脫監修宋遼金三史辟為本府一長史力

辭不拜復以翰林修撰兼國史院編脩召避不就
士論高之今祀鄉賢

陳樵

字君采東陽人父從石一鰲得聞考亭朱子之學
樵承家訓殫精究思著書立義多前人所未經道
為文多自出機軸性至孝生平未嘗言利自號鹿
皮子

戴良

字叔能浦江人師事柳貫博學工文有志事功元
季之間嘗出為世用遭時多故晦迹四明山中杜
門著書適然自適

唐元嘉

字德顯蘭谿人登進士第授仁和縣丞陞江浙行
省椽至正末從左丞相答剌罕節制金陵兵敗被
執不屈而死

金華文徵

姓氏傳畧

十

胡滅

字景雲東陽人博通經史諸子百家以文章鳴一
時隱居不仕所著有槍鳴等集子宗熹至正鄉薦

呂浦

字公甫永康人從學許謙之門講究經旨悉領其
要為文落落有奇氣

明

宋濂

字景濂金華人後遷浦江嘗從聞人夢吉受春秋
經從柳貫黃潛吳萊學古文辭名震朝野至正中
有薦為翰林編修辭不赴國初遣使奉書幣聘
為江南等處儒學提舉召授皇子經選起居注總
脩元史累官翰林學士贊善大夫寵遇備至謚文
憲祀鄉賢公於書無所不讀道德文章師表當世
國朝制度典章悉經其手云

王禕

字子充義烏人師事黃潛潛屬以斯文之任隱居
青岩山太祖取婺州徵至行在稱子充而不名
國朝禮制多所刪定出為南康同知以政最賜
金帶詔脩元史書成拜翰林待制兼國史院編
脩官預敎大本堂王子雲南梁王弗賓詔公招
諭將降會元遺脫脫微糧因逼投公留二年遂被
害臨歿罵不絕口謚忠文祀鄉賢公于經史百家
靡不究極為文豐瞻典則學者稱為華川先生子
紳孫孫曾孫汝皆世繼其學云

張孟兼

初名丁字孟兼後以字行浦江人同宋景濂師事
聞人夢吉文章議論卓絕一時登吳元年丁未制
科洪武改元選入史館與脩元史纂遷山東副憲
孟兼性鯁介嘗與藩長爭論異端不合中以危法
坐歿縉紳哀之

金華文徵

姓氏傳畧

十一

鄭泳

字仲潛浦江人通春秋丞相脫脫延教胄子累官
承務郎溫州路總管府經歷有惠政後棄官歸文
雅義聲鄉人敬禮

鄭淵

字仲涵浦江人性至孝喜接賓客濟人饑寒全活
甚眾屢輟塲屋遂棄去著書明道以授學者門人
私謚曰貞孝處士

蕪伯衡

字平仲金華人選九世孫敏悟絕人國初召為
學錄纂脩元史陞國史院編修以贖辭歸上賜
金綺楮幣久之復起為處州教授以表箋忤旨
而卒于獄二子恬怡以救父并刑朝野傷之伯衡
今祀鄉賢

王紳

字仲縉，補次子。學于宋太史，以文辭著稱。幼事母，盡孝。蜀王聞其名，聘至藩府，待以賓禮。紳念父持節死，雲南乃請于王，往求遺殖，訪求不獲，號慟奠祭。聞者哀之，既歸，王禮遇益厚，薦于朝，召為國子博士。橫經講解，文館翕然。卒于官。今祀鄉賢。

吳沉

字濬，仲蘭谿人。師道子，以家學自振。洪武中，召為翰林待制。未幾，陞文華殿大學士，以文章擅名。因讒忤旨，歿于獄。朝野憐之。

胡翰

字仲申，金華人。受業吳正傳，吳立夫得執經許白雲之門。國初，以賢才起授奉旨纂脩元史書成，辭歸卒。祀鄉賢。

金華文徵

姓氏傳畧

十一

許元

字存仁，金華人。謙子。少從葉儀、范幹學，以文學名。太祖定金華，訪求白雲之後，與胡翰、寺同召見，授東宮官。累拜國子祭酒，大舉廢墜，有忌之者，誣元擅用學宮什器。上賢奏而笑言者不已，乃謫詔州安置，未幾赦歸。

呂文榮

字明慎，永康人。吳沉薦其才于太祖，詔授府長史。

祝戒

字存禮，蘭谿人。洪武乙亥，以詩經膺貢入大學，歷官福建按察司副使。政績與文章並著。

鄭棠

字叔美，浦江人。泳子。幼穎異，讀書過輒舉其要。從宋太史習古文，下筆出人。意表永樂，初與脩大典。

鄭楷

書完充試吏部凡三千人三試皆第一歷仕翰林院簡討寵眷特殊致仕還家著書吟咏老而不輟

字叔度浦江人淵子受業宋太史文行兼優蜀王奏除王府教授恩禮特隆已而尊為賓師賜號醇翁奏陞長史致政歸審書歸來軒織成文以賜之門人私謚曰文誠先生

章懋

字德懋蘭谿人學者因其所居稱楓山先生成化丙戌會試第一名改翰林庶吉士授編脩踰月抗疏忤旨杖之謫臨武知縣未行改南京大理評事陞福建按察僉事疏乞致仕既歸杜門講學屢薦不起弘治辛酉起為南京國子監祭酒正德丙寅陳言治要五事不報因移疾東出不待報遂歸嘉靖改元即其家拜禮部尚書遣行人存問而懋已卒贈太子太保謚文懿公於書無所不讀而天資絕人議論所及皆成至理文章惟古是式與何王金許四先生屢議從祀孔廟今未果行

金華文徵

姓氏傳畧

潘璋

字栗夫金華人成化壬辰進士歷仕四川提學僉事全蜀之士仰若山斗陞陝西副使仍董學政卒

祝獻

字廷夔蘭谿人成化甲辰進士仕至太僕寺丞所

姜麟

字仁夫蘭谿人璉子成化丁未進士授刑部主事轉員外陞四川僉事定馬湖之亂不以兵戈後以氣高招謗為言官所劾居家謝事博涉經史以文章學問鳴于時

童品

字廷式蘭谿人成化丙辰進士授南武庫主事不持羨餘再遷武選員外郎遂致仕家居貧不自振以讀書喪明而卒祀鄉賢

童琥

字廷瑞蘭谿人弘治庚戌進士歷仕刑部郎中尋
陞江西按察司副使竣事歸以吟咏爲東有集及
梅花集句三百首行世

鄭瑾

字溫卿蘭谿人弘治庚戌進士授鄒平知縣後調
長州陞楚雄府通判不赴歸隱林下聚書數萬卷
日事鉛槧著述甚富

黃傅

字夢弼號白露山人蘭谿人弘治庚戌進士授江
陰令有善政民奏留之三年授御史以疾歸卒傳
生自穎異讀書過目不忘從楓山先生學以名節
自礪性純書所蓄甚富家無餘資賦詩自得

章林

金華文徵

姓氏傳畧

十四

字以道蘭谿人文懿公諸子弘治壬戌進士授工
部主事抗逆瑾謫梧州通判尋陞南京吏部員外
累陞工部尚書上疏忤旨落職尋復其官卒
論祭葬隆慶初贈太子少保謚恭惠祀鄉賢

潘希曾

字仲魯金華人弘治壬戌進士選翰林庶吉士授
兵科給事中嘗疏勸上隆孝遠倭等八事逆瑾
惡之差往湖廣貴州計處邊儲旣還矯詔杖之
除籍爲民瑾伏誅乃復官陞刑科右給事中累遷
都察院右副都御史提督南贛漳汀等處軍務屢
平劇賊召入工部侍郎治河有功改兵部卒贈兵
部尚書

董遵

字道卿蘭谿人弘治辛酉舉明經歷仕江浦知縣

唐龍

字虞佐蘭谿人游學楓山之門議論英發以古學知名正德戊辰進士授鄆城知縣擢監察御史出按雲南江西屢上疏言事聲績赫然累陞刑部尚書疏乞終養復起爲南京刑部尚書尋改兵部加太子太保轉吏部尚書卒謚文襄加贈少保祀鄉賢

陸震

字汝亨蘭谿人正德戊辰進士授泰和令召授兵部武庫司主事遷車駕司員外郎時江彬怙權震抗疏劾之詔下錦衣獄逮繫月餘桎跪于庭五日三訊三杖而疾時晝晦如夜內海子水溢玉河七鉄柱齊折咸謂天示變云世廟卽位首贈太常寺少卿遣使諭祭錄其子祠祀鄉賢

戚雄

字世英金華人正德辛未進士令建陽有聲擢南道御史疏劾李福達之虐愾郭勛之比黨時以風聞妄奏逮問落職氣節表著士論稱之

金華文徵

姓氏傳畧

十五

姜綱

字幼章金華籍蘭谿人正德丁丑進士任南刑部主事轉工部營繕司郎中剔蠹斥奸爲吏卒所怨誣構用官物下獄尋釋落職家居淡薄自守不預外事

章僑

字處仁金華籍蘭谿人正德丁丑進士任給事中抗疏劾闕宦蕭敬等宜疎斥尋遷衡州知府累官山西右布政使以禦虜有功晉福建左轄卒

李鶴鳴

字九臯義烏人正德丁丑進士歷官大理寺丞兵科左給事中

程文德

字舜敷永康人嘉靖己丑進士廷試擢第一甲第二名授翰林院編脩繼侍經筵以言事忤旨廷

杖謫信宜典史累擢南京國子監祭酒加翰林院學士時上作祚事文德撰玄詞多寓諷諫忤旨落職回籍家居著書比卒遺藁蕭然士論難之侍御王好問疏請卹典加贈禮部尚書謚文恭

王崇

字仲德永康人嘉靖己丑會試第二人初授兵科給事中累官兵部左侍郎都察院右副都御史

張元諭

字伯啓浦江人嘉靖丁未進士仕終雲南憲副博通經史尤精于春秋羅念菴鄒東廓甚禮重之

章贊

字思敬蘭谿人楓山族子受業楓山朴菴二先生及鶴山陸先生之門嘉靖壬午鄉薦第一人

章适

字景南蘭谿人贊長子嘉靖丁未進士授行人所至行李蕭然復命擢禮科給事中進疏忤旨

金華文徵

姓氏傳畧

引疾歸家無餘儲王鳳洲先生常序其稿

十六

章述

字景明蘭谿人适之弟嘉靖丙午舉人任化州知州

鄭國賓

字汝嘉蘭谿人嘉靖庚戌進士宰婺源興學舉政民不敢欺徵授兵科給諫尋轉禮右

童常

字子倫蘭谿人

凌瀚

字德容蘭谿人嘉靖乙酉以易魁浙授泰寧教諭聘典山東廣西試陞周府紀善輔王以禮瀚于書無不讀卽度數各物以及漕運水利之類皆極究心四方從翰者甚衆

王汝礪

字若金金華人嘉靖壬午舉人歷任滄沅等州知州張郡侯聘脩府志既脫稿緣侯陞任未及成書

徐袍

字尚綱一字叔章蘭谿人嘉靖甲午舉人

吳百朋

字惟錫義烏人嘉靖丁未進士歷仕刑部尚書

方太古

字見素蘭谿人因所居自號寒溪從楓山先生授易兩蹉場屋因棄舉子業慨然有求道之心同門董東湖遵唐漁石龍章村菴拯陸鶴山震潘竹澗希曾竝相敬重

王乾章

金華文徵

姓氏傳畧

字順卿東陽人嘉靖壬戌進士仕終廣東副使

十七

董汝偉

字崇望蘭谿人

唐汝楫

字思濟蘭谿人龍子嘉靖庚戌進士策問敬天勤民廷對稱旨擢第一甲第一名授翰林院脩撰遷右春坊右諭德陞太常寺少卿致仕

趙志臯

字汝邁蘭谿人隆慶戊辰廷試一甲第三授翰林院編脩遷修撰侍讀歷相十年多所匡濟熙然

陸可教

字敬承蘭谿人萬曆丁丑會試第二名改翰林院庶吉士授編修病歸丁艱除授原職尋轉侍讀戊子江西主考辛卯應天主考所拔多名士歷南禮部侍郎卒文章與馮夢禎齊各士林珍之

徐學聚

字敬輿蘭谿人萬曆癸未進士仕至大中丞為文自立機軸為蕘林推尚

朱巍

字蘭谿人萬曆舉明經

張應槐

字汝植浦江人萬曆丙戌進士任饒州司李多所平反仕終廣東憲長所著績文章行誼為士林推重今祀鄉賢

吳大纘

金華文徵

姓氏傳畧

字義鳥人萬曆乙酉順天中式

文

胡應麟

字元瑞蘭谿人萬曆丙子鄉薦兩上春官不利肆志讀書博綜羣籍著書萬餘卷與東陽文學李能茂齊鳴為王元美先生器重浙東聚書之多無過元瑞

章守訓

字振先號穎華金華人補邑弟子員博涉書史穎悟過人後以心疾終士類惜之

戴于庭

字子薦萬曆辛卯舉明經仕終沙縣教諭直諒博聞為時輩推重子嘉兆萬曆辛卯舉人

倪元恢

字念謙號豫心金華人萬曆癸巳舉明經

許弘綱

字張之東陽人萬曆庚辰進士初任績溪縣進兵
科給事中尋轉吏垣都給諫累陞順天府尹時內
官奏准開煤乘寡橫徵幾至激變公力疏請止
人心始定陞江西巡撫丁外艱不待命卽馳歸
服闋陞左副都御史擢兩廣總督所至多美績見
任兵部尚書

金華文徵八姓氏傳卷

九



金華文徵文部總目

第一卷

賦

第二卷

賦

第三卷

序

第四卷

序

第五卷

金華文徵

文部總目

碑記

第六卷

記

第七卷

論


第八卷

論

第九卷

辯說議

第十卷



評題跋讀考疑答

第十一卷

冊文 詔制 劄子 箴 露布 檄

第十二卷

策問 策對 策

第十三卷

表 上書

第十四卷

疏

第十五卷

金華文徵 文部總目

書

第十六卷

啓 連珠 誌 辭

第十七卷

傳 行狀

第十八卷

祭文 版文 哀辭 壙記 墓誌銘

第十九卷

贊 頌 銘

第二十卷

雜著 終

金華文徵文部目錄

第一卷

賦

奉和聖製喜雨賦

唐徐安貞

螢火賦 并序

唐駱賓王

星回于天賦

唐馮宿

初日照冰池賦

唐馮宿

鮫人買綃賦

唐馮宿

牡丹賦

唐舒元興

古楠賦 并序

宋宗澤

金華文徵 文部目錄 第一卷

山齊賦

宋鄭剛中

感雪竹賦

宋鄭剛中

環堵賦 并序

宋倪朴

二松賦

宋蘓籀

遂性賦

宋時少章

大游賦 并序

元吳萊

海東州盤陀石上觀日賦

元吳萊

擬古戰場賦

元許謙

瑋瑁賦

元陳樵

放螢賦

元陳樵

東白山賦 并序

元胡 滅

方明賦

元唐元嘉

鱸魚賦

元呂 浦

蜀鳥賦

元呂 浦

金華文徵

文部目錄

第一卷

二



鱸魚賦

元呂 浦

蜀鳥賦

元呂 浦

方明賦

元唐元嘉

東白山賦 并序

元胡 滅

金華文徵文部目錄

第二卷

賦

奉制撰蟠桃核賦 并序

明宋 濂

奉制長江天塹賦

明鄭 棠

藥房賦

明王 禕

吊伯夷賦 并序

明吳 沉

鉤勒竹賦

明蘓伯衡

天問賦 并序

明章 品

海潮賦

明章 品

金華文徵入 文部目錄 第二卷

聖駕躬耕 帝籍賦

明陸可教

蟋蟀賦

明陸可教

鑄劍賦

明章 贊

...

...

...

...

...

...

...

...

...

...

金華文徵文部目錄

金華文徵文部目錄

第三卷

序

夏初餞宋三少府之豐城序

唐駱賓王

中興遺傳序

宋陳亮

忠臣傳序

宋陳亮

謀臣傳序

宋陳亮

義士傳序

宋陳亮

英豪錄序

宋陳亮

韓子後序

宋唐仲友

金華文徵

文部目錄

第三卷

一

送同官黃教授序

宋唐仲友

八詠樓賦序

宋夏明誠

繫辭發揮序

宋何基

書附傳序

宋王栢

六義字原序

宋王栢

通鑑前編序

宋金履祥

通鑑前編後序

宋金履祥

仇仁父詩序

宋方鳳

春秋胡傳附辯序

元吳萊

春秋舉傳論序

元吳萊

春秋世變圖序

元吳萊

會稽傅氏夏小正注後序

元吳萊

石陵先生倪氏雜著序

元吳萊

桑海遺錄序

元吳萊

劉忠公奏議序

元黃潛

齊太史書春秋諸國疏記序

元柳貫

共山書院藏書目錄序

元柳貫

金石例序

元柳貫

戰國策校注序

元吳師道

讀書叢說序

元張樞

金華文徵

文部目錄 第三卷

二

金華文徵文部目錄

第四卷

序

六經師律序

明吳 沉

白雲山房文稿序

明吳 沉

大明律序

明宋 濂

送部使者張君之官山西憲府序

明宋 濂

水經注序

明王 禕

漢七畧序

明王 禕

金華文徵

文部目錄

第四卷

唐五禮序

明王 禕

奕葉吟集序

明鄭 崇

數學舉要序

明胡 翰

人物叙事纂要序

明祝 戒

吳烈婦詩序

明章 懋

陰符經正解序

明鄭 璫

北園公議序

明鄭 璫

醉翁詩集序

明祝 獻

素書序

明凌 瀚

鹽政志序

明唐 龍

馬政志序

明唐 龍

三邊四鎮圖序

明唐 龍

宋徵士仁山金先生言行序

明徐 袍

璫鑑序

明徐學聚

重脩義烏縣志序

明吳大纘

蔡中郎文集序

明王乾章

贈郡侯漢蒲周公入覲序

明王 崇

鹿峯草堂序

明王 崇

弇州先生四部稿序

明胡應麟

送章近山分教南京武學序

明張元諭

金華文徵

文部目錄

第四卷

二

壽吳邑侯黃太夫人八表序

明許弘綱

家禮纂要序

明許弘綱

金華文徵文部目錄

第五卷

碑

魏府狄梁公祠堂碑

唐馮宿

大唐昇玄劉先生碑

唐馮宿

唐鄂州永興縣重岩寺碑

唐舒元興

孝子顏氏墓碑

宋何恪

大節堂碑

宋時少章

東丘郡侯花公墓碑

明宋濂

商巫咸祠碑

明張孟兼

金華文徵文部目錄 第五卷

叅知政事胡公勲德碑

明鄭淵

重建忠賢祠碑

明唐汝揖

徐州桃山驛岳武穆王廟碑

明陸可教

記

問國學記

唐舒元興

御史臺新造中書院記

唐舒元興

錄桃源畫記

唐舒元興

蘭谿縣靈隱寺東峯新亭記

唐馮宿

重脩法輪院記

宋胡則

滿心寺鑄鐘記

宋宗澤

思耕亭記

宋鄭剛中

忠義堂記

宋鄭剛中

東岳行宮記

宋梅執禮

東白山禪林院重建大殿記

宋張志行

中興寺環翠閣記

宋曹冠

椒湖築隄記

宋錢遜

禪智院記

宋賈廷佐

讀書西峴峯記

宋徐次鐸

淨土禪寺新塑羅漢記

宋蘓諤

昭化寺佛閣記

宋杜旂

金華文徵

文部目錄

第五卷

二

建福寺法堂記

宋杜去輕

大園記

宋周夢孫

遊仙華岩麓記

宋謝翱

遊赤松觀羊石記

宋謝翱

金華洞人物古蹟記

宋謝翱

鹿田聽雨記

宋謝翱

登西臺慟哭記

宋謝翱

硯峯楊柳廟記

明祝獻

金華文徵文部目錄

第六卷

記

觀心亭記

明宋 濂

閱江樓記

明宋 濂

漢南北軍記

明王 禕

漢瓦硯記

明王 禕

半軒記

明鄭 泳

機航記

明鄭 泳

節義堂記

明蘓伯衡

金華文徵文部目錄 第六卷

長江萬里圖記

明鄭 楷

重建太極宮記

明張孟兼

滇南慟哭記

明王 紳

重修江濱廟記

明潘 璋

梁山縣新城記

明潘 璋

醉書椅記

明鄭 瓘

為友育女記

明鄭 瓘

殺虎答記

明鄭 瓘

捕魚答記

明鄭 瓘

點鼠記

明鄭 瓘

境山河記

明潘希曾

蘭谿縣學田記

明唐汝揖

聽雲亭記

明李鶴鳴

宋潛溪先生祠堂記

明戚雄

遊連珠洞記

明王崇

雪齋記

明童琥

筆記

明童琥

遊武林南山記

明章适

靈洞山房記事

明趙志阜

關壯繆侯祠記

明胡應麟

金華文徵

文部目錄

第六卷

二

二酉山房記

明胡應麟

重新龍王廟像記

并詩

明祝獻

文徵文部目錄

第七卷

論

秦論

宋唐仲友

論語論

宋唐仲友

孟子論

宋唐仲友

易論

宋唐仲友

書論

宋唐仲友

春秋論

宋唐仲友

性論

宋唐仲友

金華文徵

文部目錄 第七卷

學論

宋唐仲友

道藝論

宋唐仲友

釋老論

宋唐仲友

井田綱領論

上下

宋唐仲友

洪範論

宋范浚

詩論

宋范浚

春秋論

宋范浚

性論

宋范浚

周論

宋范浚

六國論

宋范浚

韓信論

宋陳亮

薛公論

宋陳亮

光武論

宋陳亮

李靖論

宋陳亮

通鑑託始論

宋王栢

金華文徵

文部目錄

第七卷

二



金華文徵文部目錄

第八卷

論

虞氏譜系及宗堯論

宋金履祥

三監論

宋金履祥

孔子不貶季札論

元吳萊

改元論

元吳萊

漢高帝論

元呂浦

箕子論

明吳沉

衛太子論

明吳沉

金華文徵

文部目錄

第八卷

曹參論

明吳沉

六經論

明王禕

河圖論

明王禕

分野論

明王禕

兵論

明王禕

易論

明章懋

書論

明章懋

詩論

明章懋

春秋論

明章懋

調停論

明童常

漢光武徙四親廟于章陵論

明姜

麟

李敬業及越王起兵論

明姜

麟

牛李維州之議論

明章

述

春王正月論

明朱

巍

諸葛亮論

明胡應麟

麟

晉論

明章守訓

訓

金華文徵

文部目錄 第八卷

二



西夏論

明章守訓

訓

隋書系論

明胡應麟

麟

春王正月論

明朱

巍

牛李維州之議論

明章

述

李敬業及越王起兵論

明姜

麟

漢光武徙四親廟于章陵論

明姜

麟

金華文徵文部目錄

第九卷

辯

微子不奔周辯

宋金履祥

西伯戡黎辯

宋金履祥

伯益辯

宋金履祥

詩亡辯

宋王栢

觀音院鐘刻辯

宋倪朴

洛書辯

明王禕

孔子封王辯

明吳沉

金華文徵

文部目錄

第九卷

問刑辯

明蘓伯衡

詩亾辯

明王紳

吳季子觀周樂辯

明姜麟

孫子用間辯

明童品

讀唐文類辯

明童品

大禮問辯

明潘希魯

禹碑辯

明方太古

日夜食辯

明倪元恢

伯翳辯

明胡應麟

五霸辯

明胡應麟

說

悔說

宋范浚

皇極說

宋王栢

四營成易說

宋章如愚

牙醫說

宋呂皓

芝泉說

明鄭泳

拙齋說

明呂文煢

尊經閣說

明王崇

議

盟會聘享失禮議

宋呂禮謙

金華文徵

文部目錄

第九卷

二

治河議

明宋濂

孔子廟堂議

明宋濂

孔廟從祀議

明王禕

金華文徵文部目錄

第十卷

評

唐詩評父子墨戲

宋喻良能

評諸家文山岳圖

明章守訓

題跋

秦誼楚文跋尾

宋方 甸

石經跋尾

宋方 甸

書唐史諸傳

宋倪 朴

書林勳本政後

宋陳 亮

金華文徵

文部目錄

第十卷

一

書王蠋事後

宋唐仲友

春秋通旨後題

元吳 萊

胡氏管見唐柳宗元封建論後題

元吳 萊

題晦菴先生帖

元黃 潛

題黃給事山居圖

元黃 潛

跋蘓公父子墨跡

元黃 潛

跋吳善夫哀辭

元黃 潛

跋韓魏公手帖

元柳 貫

題子長畫贊後

元柳 貫

題子長畫贊後

元柳 貫

跋趙承旨書記

元柳 貫

羅隱甲乙集讒書後題

元吳師道

跋宋高宗賜岳飛手札

明王 禕

跋呂大愚

明王 禕

跋滅金露布

明王 禕

書堵無傲被誣事後

明王 禕

題鄭宣撫墓誌銘

明蘓伯衡

跋何道夫所著宣撫鄭公墓誌銘

明宋 濂

跋天台陳公行狀後

明宋 濂

金華文徵

文部目錄 第十卷

二

跋匡廬社圖

明宋 濂

書家藏朱文公傳後

明吳 沉

識武義縣志目錄後

明董 遵

題陽明先生與晉溪公手書後

明吳百朋

讀

讀管子

宋范 浚

讀譚汝揖傳

元黃 潛

讀太玄

元吳師道

讀賈董傳

明吳 沉

讀宋文公書程子禘說後

明鄭 璣

讀史記

明呂文煢

讀西漢書王章傳

明章 懋

讀三墳

明胡應麟

讀諸葛武侯全書

明胡應麟

讀隋書

明胡應麟

考

河圖洛書之數考

宋章如愚

孟子集註考

宋何 基

五德之運考

明陸可教

金華文徵

文部目錄 第十卷

三

疑

七政疑

元許 謙

對

答客問

元黃 潛

越人災異對

明胡 翰

楚客對

明宋 濂

金華文徵文部目錄

第十一卷

冊文

真順皇后哀冊文

唐徐安貞

懿祖尊謚冊文

明蕪伯衡

詔

誠諭中外百僚詔

明王禕

定岳鎮海瀆名號詔

明王禕

制

除裴耀卿黃門侍郎張九齡中書侍郎同平章

金華文徵入

文部目錄

第十一卷

制

唐徐安貞

劄子

輪對劄子

宋呂祖謙

輪對劄子

宋呂祖謙

館職備對劄子

宋唐仲友

信州朝辭劄子

宋唐仲友

奏請謚陳龍川呂大愚劄子

宋喬行簡

箴

續丹宸六箴

宋范浚

魯齋箴

并序

宋何基

部刺史箴

明王 禕

唐起居郎箴

明王 禕

露布

姚州道破逆賊諾没弄楊虔柳露布

唐駱賓王

補逐賈似道露布

明王 汝礪

檄

代李敬業討武曌檄

唐駱賓王

更定李敬業起兵檄

明姜 麟

金華文徵

文部目錄 第十一卷

二

金華文徵文部目錄

第十二卷

策問

擬策問進士

宋鄭剛中

策問十道

元吳師道

策對

賢良方正直言敢諫策對

唐舒元褒

六朝鎮守策對

宋唐仲友

歷代屯田策對

宋唐仲友

策

金華文徵

文部目錄

第十二卷

館戢策

宋呂祖謙

形勢策

宋范浚

封建策

宋范浚

除盜策

宋范浚

實惠策

宋范浚

文徵文部目錄

第十三卷

表

為馬總尚書謝除彰義節度使表

唐馮宿

安州謝表

宋滕甫

乞回鑾表

宋宗澤

遺表

宋宗澤

謝集英殿修撰提舉江州太平觀表

宋潘良貴

金華文徵

文部目錄

第十三卷

罷政謝表

宋范鐘

高皇帝混一功成文武羣臣勸進表

明蘓伯衡

賀登極表

明蘓伯衡

進大明律表

明宋濂

進元史表

明宋濂

書

上吳主書

吳駱統

上論貢士書

唐舒元興

上高宗論遣使書

宋賈廷佐

上高宗諭遣使第二書

宋賈廷佐

擬上高宗書

宋倪朴

上孝宗皇帝第一書

宋陳亮

戊申再上孝宗皇帝書

宋陳亮

上孝宗皇帝救父兄書

宋呂皓

金華文徵入

文部目錄 第十三卷

二



上孝宗皇帝妹父只書

宋呂皓

上孝宗皇帝書

宋陳亮

上孝宗皇帝策一書

宋陳亮

上孝宗皇帝書

宋陳亮

上孝宗皇帝書

宋陳亮

中文徵文部目錄

第十四卷

疏

薦合浦太守疏

漢楊喬

上高宗第十五疏

宋宗澤

建炎元年奏疏

宋宗澤

論治道人材疏

宋鄭剛中

諫議和疏

宋鄭剛中

論守法任怨疏

宋鄭剛中

軍國疏

宋徐僑

金華文徵

文部目錄

第十四卷

一

疏畧

宋葛洪

劾賈似道疏

宋杜仕賢

法天順人疏

明王禕

諫四郊分祀疏

明章拯

劾東廠太監芮景賢疏

明章僑

陳言圖治疏

明陸震

諫元宵燈火疏

明章懋

車戰事宜疏

明程文德

遼警禦備疏

明張應槐

治河疏

明潘希曾

諫止煤稅第二疏

明許弘綱

諫止煤稅第四疏

明許弘綱

允放謝恩疏

明許弘綱

金華文徵

文部目錄

第十四卷

二



第十五卷

書

答劉之遴借類苑書

梁劉峻

答員半千書中書

唐駱賓王

答雷公達書

宋潘良貴

與知典仁府曾楸約入援京城書

宋宗澤

上太守周侍郎書

宋倪朴

上太守鄭敷文書

宋倪朴

金華文徵

文部目錄

第十五卷

一

筠州上楊教授書

宋倪朴

上四府書

宋唐仲友

上張相公書

宋唐仲友

與朱元晦秘書書

宋陳亮

又書公數書

宋陳亮

上林樞密大中書

宋呂殊

與黃明遠第一書

論日夜食

元吳萊

與黃明遠第三書

論樂雜說

元吳萊

答章秀才論詩書

明宋濂

答朱悅道論春秋書

明呂文煢

與友人論春王正月書

明凌 瀚

與董東湖書

明章 懋

與諸子書

明陸 震

囑友直書

明黃 傳

金華文徵

文部目錄

第十五卷

二



與友人論春王正月書

明凌 瀚

與董東湖書

明章 懋

與諸子書

明陸 震

囑友直書

明黃 傳

第十六卷

啓 唐駱賓王

上廉使啓

唐駱賓王

上兗州崔長史啓 唐駱賓王

賀叅政啓

宋鄭剛中

謝留丞相啓

宋陳亮

連珠 演連珠

宋劉一

一演連珠 則

明王禕

誌

金華文徵 文部目錄 第十六卷

山棲誌

梁劉峻

辭 泛秋浦辭

宋陳炳

孤憤辭

明宋濂

和陶辭

明董汝偉

坐石上誦和陶辭感典用前韻

明董汝偉

和謝翱哭文丞相辭

明董汝偉

明姜綱

明姜綱

十六卷

文徵目錄

金華文徵支部目錄

第十七卷

傳

二烈女傳

宋陳亮

漢忠臣翟義傳

宋范浚

徐忠壯傳

宋范浚

何長者傳

宋胡長孺

陳孝子傳

宋胡長孺

唐珪傳

明張孟兼

謝翱傳

明宋濂

金華文徵

支部目錄

第十七卷

一

胡長孺傳

明宋濂

鄧弼傳

明宋濂

葉由庚傳

明宋濂

余左丞傳

明宋濂

忠簡公小傳

明王禕

宋太史傳

明王禕

補唐書駱侍御傳

明胡應麟

包烈女傳

明鄭國賓

金華文徵文部目錄

第十八卷

祭文

祭族叔通判方

宋鄭剛中

代倉部祭張魏公文

宋呂祖謙

立碑植碑後祭方先生文

元柳貫

祭黃侍講先生文

明王禕

為廖平章祭常忠武王文

明蘓伯衡

版文

陶母墳版文

唐舒元興

金華文徵

文部目錄

第十八卷

一

哀辭

陳師復哀辭

宋時少章

田君子黃隱君哀頌辭

元吳萊

曠記

呂東萊先生曠記

宋呂祖儉

墓誌銘

胥氏夫人墓誌銘

宋徐無黨

吳彥成墓誌銘

宋梅執禮

方先生墓碣銘

元柳貫

長山先生墓誌銘

明吳沉

元隱君子東陽陳先生鹿皮子墓誌銘

明宋 濂

金華文徵入

文部目錄 第十八卷

二



金華文徵文部目錄

第十九卷

贊

辛稼軒畫像贊

宋陳亮

接輿贊

元吳萊

蚩尤贊

元吳萊

盜跖贊

元吳萊

賈刪定畫像贊

元吳師道

方孝婦贊

元呂浦

龍馬贊

明宋濂

金華文徵

文部目錄

第十九卷

一

滕奉使贊

明宋濂

練氏夫人像贊

明宋濂

溟滓生贊

明宋濂

華巖經贊

明宋濂

心田贊

明鄭棠

宋景濂先生像贊

明許元

頌

靈泉頌

唐駱賓王

延州來季子觀周樂頌

元吳萊

漢武帝南巡射蛟頌

元吳萊

平江漢頌

明宋濂

鳳陽府新鑄大鐘頌

明宋濂

銘

試劍石銘

元吳萊

秦坑銘

元吳萊

韶石銘

元吳萊

平廣海銘

明章懋

座右銘

明趙志臯

金華文徵

文部目錄

第十九卷

二



金華文徵文部目錄

第二十卷

雜著

斲琴志

唐舒元輿

玉筋篆志

唐舒元輿

養狸述

唐舒元輿

悲古剡溪文

唐舒元輿

貽諸弟砥石命

唐舒元輿

淮陰先生說李孝逸辭

宋范浚

說佩贈鄭仲舒

元戴良

金華文徵

文部目錄 第二十卷

一

畏慎訓

明蘓伯衡

空同子瞽說

三則

明蘓伯衡

志殺虎

明蘓伯衡

志釋寄胡徵君仲申

明宋濂

刪古岳瀆經

明宋濂

紀先人遺衣

明鄭淵

雜說

四則

明凌瀚

江陰縣志凡例釋義

明黃傳

秦吉了述

明戴于庭

金華文徵卷之一

明

金華司李滇南馬龍阮元聲無聲甫

選評

金華令西蜀忠州高

傳雲章甫

金華學博浙郵楊德周齊莊甫輯訂

弟子員戴應鰲編次

賦

奉和聖製喜雨賦

唐徐安貞

惟大君之執象襲先帝之重玄體至精而御物用明德而動天自乘春兮當暑洎三時而不雨何陰陽而併隔瞻雲漢以延佇而雍州之積高乃神明之舊府

金華文徵卷之一

賦

一

奉和一

君告有司無作淫祠圖應龍兮何召望愚嬾兮何期禦德伏之六沴惟蕩蕩之上帝信天道之悠哉固人事之所制爾其園壇方墀環以禁林拂瑤席兮列神座藉白茅兮推聖心却華蓋而特立當赫曦之正臨幽應如響明徵在今油然作雲鬱山川之氣凄兮爲雨變天地之陰乘空離合烟霏霧縠散影微微清神不稀無雷電之相迫但蕭條而自飛廻颯麗于天聽襲清涼于御衣如泰嶽之朝下似陽臺之暮歸林禦增飾池城共色八水青田千門紫極洗原隰于龍鱗拂薨標于鳳翼伊萬物之同潤况油油之黍稷匝寰

海而爲期。指咸霖而一息。吾君乃升玉堂。闢金殿。既
滌炎暑。是開清宴。聽金石之克諧。知神人之合抃。濟
濟三事。稽首而言。効靈夔之鼓舞。聯鷺振而飛翻。欣
復夏王之膳無邀。漢后之恩。微臣束紳國史。秉筆階
阼。仰宸儀之法度。聞天韻之宮徵。大舜之慶雲已發。
武帝之秋風莫比。欽豐歲之餘裕。願先天之至理。陋
星斗之占定。靈臺之紀。猶誠奢靡之事。信明明天子
評。建章清漏。疎密悠揚。而矣。五。故有會于精

靈夫何。是。行。其。致。也。故。道。與。氣。而。生。雖。之。化
之不殊。亦。是。其。之。也。故。道。不。信。也。與。物。不。成。

金華文效 卷之二

賦

二

君告有司。其。也。故。道。不。信。也。與。物。不。成。
祭儀伏之。古。也。故。道。不。信。也。與。物。不。成。
事。精。也。故。道。不。信。也。與。物。不。成。

星斗之古。涼靈臺之。殊。離。縮。春。觀。之。專。計。想。天。干
旋。帝。之。焮。風。莫。比。欽。豐。歲。之。餘。裕。願。先。天。之。至。理。陋
星。斗。之。占。定。靈。臺。之。紀。猶。誠。奢。靡。之。事。信。明。明。天。子
評。建。章。清。漏。疎。密。悠。揚。而。矣。五。故。有。會。于。精
靈。夫。何。是。行。其。致。也。故。道。與。氣。而。生。雖。之。化
之。不。殊。亦。是。其。之。也。故。道。不。信。也。與。物。不。成。
濟。炎。暑。是。開。清。宴。聽。金。石。之。克。諧。知。神。人。之。合。抃。濟
濟。三。事。稽。首。而。言。効。靈。夔。之。鼓。舞。聯。鷺。振。而。飛。翻。欣
復。夏。王。之。膳。無。邀。漢。后。之。恩。微。臣。束。紳。國。史。秉。筆。階
阼。仰。宸。儀。之。法。度。聞。天。韻。之。宮。徵。大。舜。之。慶。雲。已。發。
武。帝。之。秋。風。莫。比。欽。豐。歲。之。餘。裕。願。先。天。之。至。理。陋
星。斗。之。占。定。靈。臺。之。紀。猶。誠。奢。靡。之。事。信。明。明。天。子
評。建。章。清。漏。疎。密。悠。揚。而。矣。五。故。有。會。于。精

螢火賦

有序

唐駱賓王

余猥以明時又遭幽繫見一葉之已落知四運之
將終悽然客之心乎悲哉秋之氣也光陰無幾時
事如何大塊是勞生之機小知非周身之防嗟乎
綈袍匪舊白首如新誰明公冶之非孰辨臧倉之
愬是用中宵而作達旦不瞑觀茲流螢之自明哀
此覆盆之難照夫類同而心異者龍蹲歸而宋樹
伐質殊而聲合者魚形出而吳石鳴苟有會于精
靈夫何患于異類況乘時而變含氣而生雖造化
之不殊亦昆蟲之一物應節不僭信也與物不競
仁也逢昏不昧知也避日不明義也臨危不懼勇
也事有沿情而動典因物而多懷感而賦之聊以
自廣云耳

伊玄功之播氛有丹鳥之賦象順陰陽而亭毒資變
化而含養每寒潛而暑至若知來而藏往既發揮以
外融亦含光而內朗若夫小暑南收大火西流林塘
改夏雲物疑秋忽臨虛而赴遠乍排叢而出幽如火
齊之宵燠若夜光之暗投逝將歸而未返忽欲去而
中畱入槐柳而焰發若攻燧而改周繞堂皇而影泛
疑秉燭以嬉遊點綴懸珠之網隱映落星之樓乍滅

乍典或聚或散居無定所習無常玩曳影周流飄光
凌亂汎灑乎池沼徘徊乎林岸狀火井之沉熒似明
珠之出漢值衝颺之不烈逢滂雨而逾煖炤灼兮若
湛盧之夜飛灼爍兮像招搖之夕暉與庭燎而相炫
然重陰于已昏共燭火而齊息避太陽于始旦爾其
光不周物明足自資偶仙鼠而伺夜對飛蛾之赴燧
類君子之有道入暗室而不欺同至人之無迹懷明
義以應時處幽不昧居照斯晦隨隱顯而動息候昏
明以進退委性命乎幽玄任物理乎推遷化腐木而
含彩集枯草而藏烟不貪熱以苟進每和光而曲全

藏瑤魂一變而成虹。知戰場之有燐。悟冤獄之爲蟲。彼翾飛之弱質。尚矯翼而凌空。何微生之多蹟。獨宛頸以觸籠。異璧光之照廡。同劍影之埋豐。覲道迷而可復。庶幽鑿而或通。覽光華而自照。顧形影以相吊。感秋夕以殷憂。嘆宵行而熠燿。熠燿飛兮絕復連。殷憂積兮明且煎。見流光之不息。愴驚魂之屢遷。如過隙兮已矣。同奔電兮忽焉。倘餘光之可照。庶寒灰之重然。

評 四瑚八璣鉅麗罕儷

金華文徵八卷之一

賦

五

續文三

星回于天賦

唐馮宿

天其運乎歲聿云莫彼星回而斗建實惟新而去故
攝提克正無聞黍累之差懸象著明不忒陰陽之數
仰觀蒼蒼攸久且長一十二分終而復始二十八宿
巡而有常各安其位各正其方每披雲而見質恒耿
漢而流光凌霜晰晰燭夜煌煌瞻彼星之回復知改
歲之方將豈不以式遵晷度無失綱紀縱橫其狀逐
青陽而左旋璀璨其容候招搖而東指匝四氣而爲
度臨萬戶而可視聖人所以參象于躬考正極中天
蓋高而道遠星且回于歲終悠悠積氣奕奕長空潛
應曆以相授若循環之不窮且運故無窮時亦有替
三光垂其極四序成其歲必當觀大象以立規驗周
星而取制方今時惟行夏令無苟且帝感于天而克
保休祥星回于天而不垂次舍故得律應時貞昭回
上清星歸其本歲亦將更遵舊紀而無謬反初元而
作程則有博古之士學于太史觀歲抄而星窮知有
卒而有始于是徵月令以揮翰談天經而賦美

評 星漢昭回

初日照水池賦

唐馮宿

日生東方。水滿池塘。以涸沍之寒質。承亭曠之曉光。其象斯潔。其容可閱。炳爾昭煥。朗然清澈。可愛之德。已聞左氏之經。如履之心。更憶詩人之說。卽合體而光輝。且負暄而昭晰。全嶺北之梅。詎比墻陰之雪。美其林烟。早晴寰宇。淒清池有水。今冰合天。無雲兮日明。凝陰尚積。煖氣潛盈。淋漓今向陽和。而未泮皎潔。今覩津潤之將生。所謂當此巖景。昭茲陽彩。上下相融。貞明共在。斯乃元化所結。玄功不宰。日有曜而必臨。冰無心而有待。不然何大明兮。方懸凝質。惟堅

金華文徵

卷之一

賦

七

初四

斜景自高而來。照素耀相向而俱妍。曲岬增媚。平沙更鮮。豈西陸之中候。朝覲而方出。東海之上。泮陰火之潛然。是知清典攸集。氛埃不入。隨陽而孤。屬初飛。向煖而群鷗乍立。且日者分乎兩曜。冰者生乎沍寒。旣清貞而可賞。信溫煦之咸懽。足使勵志求鑒。探幽就觀。何必挹瓊漿于丹竈。思夕露于金盤。曷若色映朝戶。光陵曉座。水生池上。豈羨玉壺之明。日下池中。全遇隙駒之過。聊賦之以體物。庶同白雲之難和。

評

滌華于冰甌雪碗中

鮫人買綃賦

唐馮宿

彼巨海兮鮫人是居。作輕綃兮厥狀紛如。不日而成。固可卷而懷也。候時將見。期善價而沽諸。出波心而月彩相絢。映泉室而雲陰乍虛。其來不測。其麗何極。行市道而莫知。訪人寰而未識。非運思于文繡。詎用功于紡織。足使大賈慚容。衆珍掩色。豈重錦之云比。諒千金而求直。夫鮫者水府之所生。綃者鮫人之所成。奇貨聿來。寧假手于蠶績。變形斯至。非挂籍于王征。方露縠而猶薄。擬水紈而更輕。苟未知而未售。恒固執而潛行。皓如凝露。紛若遊霧。爰潔爾容。不憊于素。初階于蜃蛤。名不登于貢賦。知慢藏誨盜。晒泉客之遺珠。悟冶容誨淫。恥風人之抱布。偉夫遊洞穴。媚清澗。趨市人遠。凌波路難。貴樸全真。詎關乎日浴。出潛離隱。豈效于泥蟠。且深不可測。赤水之珠。求得往莫可追。漢臯之珮。且欺是綃也。成于無朕。動若隨時。辭海底之潛處。赴日中之會期。屬吾皇斥無用之寶。賤難得之貨。徒待價而稱珍。庶轉身而遠播。

評 馮公三賦俱是雲漢之昭回

金華文徵

卷之一

賦

八

鮫人一

牡丹賦

唐舒元典

圓玄瑞精有星而景有雲而卿其光下垂遇物流形
草木得之發爲紅英英之甚紅鍾乎牡丹援類邁倫
國香欺蘭我研物情次第而觀暮春氣極綠苞如珠
清露宵偃韶光曉驅動盪支節如解凝結百脉融暢
氣不可遏兀然盛怒如將憤洩淑色披開照耀酷烈
美膚膩體萬狀皆絕赤者如日白者如月淡者如赫
殷者如血向者如迎背者如訣拆者如語合者如咽
俯者如愁仰者如悅曩者如舞側者如跌亞者如醉
曲者如折密者如織疎者如缺解者如濯慘者如別

金華文徵卷之一

賦

九

牡丹

初朧朧而下上次鱗鱗而重叠錦衾相覆繡帳連接
晴籠晝薰宿露宵裊或灼灼騰秀或亭亭露竒或颯
然如招或儼然如思或帶風如吟或泣露如悲或重
然如縫或爛然如披或迎日擁砌或照影臨池或山
雞已馴或威鳳將飛其態萬萬胡可立辨不窺天府
孰得而見乍疑孫武來此較戰其戰謂何搖搖纖柯
玉闌風滿流露成波歷階重臺萬朵千窠西子南威
洛神湘娥或倚或扶朱顏色醜各眩紅缸爭顰翠娥
灼灼天天透透迤迤漢宮三千艷列星河我見其少
孰云其多弄彩呈妍壓景駢肩席發銀燭爐昇絳烟

洞府真人會于群仙晶瑩往來金釭列錢凝盼相看
曾不晤言未及行雨先驚旱蓮公室侯家列之如麻
咳唾萬金買此繁華遑恤終日一言相夸列幄庭中
步帳開霞曲廡重梁松篁交加如貯深閨似隔牕紗
彷彿息媯依稀館娃我來觀之如乘仙槎瓜瓜不語
遲遲日斜九衢遊人駿馬香車有酒如澆萬座笙歌
一醉是競孰知其他我按花品此花第一脫落群類
獨占春日其大盈尺其香滿室葉如翠羽擁抱比櫛
葉如金屑粧飾淑質玫瑰羞處芍藥自失天桃歛跡
穠李慚出躑躅宵潰木蘭潛逸朱槿灰心紫薇屈膝
皆讓其先後懷憤疾煥乎美乎后土之產物也使其
花之如此而偉乎何前代寂寞而不聞今則昌然而
大來曷草木之命亦有時而塞亦有時而開吾欲問
汝曷爲而生哉汝且不言徒畱玩以徘徊

評一飛燕啼痕楊妃指甲不足喻其妙麗

古楠賦

有序

宋宗澤

巴城之南山有寺曰南龕寺之外有大木曰楠其
生甚久唐刺史嚴武御史史俊皆有歌詩刻于巖
腹嚴曰臨溪挿石盤老根史曰結根幽壑不知歲
自時迄今又數百年邦人謂之古楠宜矣僕到官
之三月雨至巖下讀史嚴之清什感是楠之老于
巖谷而可憐也因慨然操筆而賦之曰

楠之生兮層崖之中巔詢之人兮不知幾何年包堅
根而下蟠兮貫頑石而澈沉淵竦脩幹以上凌兮並
孤岑而叅蒼天大枝崛起兮虎豹拿攫小枝回屈兮

金華文徵

卷之一

賦

十一

古楠

蛟螭蜿蜒黃葉敷陰白晝沉沉輪廣十畝蓋穹百尋
衆鳥托宿鄧林非淡諸卉仰芘荆雲非陰雨濯瑩兮
一塵不染風振響兮海潮同音露下兮鶴唳月明兮
猿吟擅此清致亘古迄今有客戾止惻然動中吁嗟
斯木之異兮有不過之窮爾胡不生于泰山之側秦
帝東封會風雨之是避豈以五大夫之號而封松爾
胡不生于周成之宮禁林九重顧親賢之是戲豈以
封國之瑞而剪桐爾胡不生于分陝之域舍彼召公
未必以甘棠之蔽芾流詠于國風抑亦豈無工師之
良識爾材之非常用之爲棟梁則足以建九重之明

堂用之爲舟楫則足以濟巨川之汪洋用爲宗廟社稷之器則足以參崑嶠交神明薦至德之馨香夫何默默而茸老于窮山寂寞之鄉徘徊其下恍若夢今心緣而目眙蒼髯偉人瞋目視曰噫謂子知我乃不吾知吾生于斯長于斯始于毫末至于十圍雨露不吾遺霜雪不吾欺春秋今吾不知代謝之有期漢今唐兮吾不知興亡之幾時柯葉領色曾無改移過者千百睥睨焉不以吾爲樸椒輩待之斧斤之害亦幸不罹吾受天地造化之恩孰有等夷子之不智而乃我悲使子處此復將奚爲吾非不知強自取藏器

金華文徵入卷之一

賦

十一

古楠三

以待時而動老當益壯。自任以天下之重。儻匠人斲而小之。能不俛然而悔痛。乃所願比不材之樗。同乎無所用。若曰不遇自有物主之。非吾所能爲。姑亦付之一夢。客聞之釋然悟曰達矣。夫斯言可書紳而永誦。

評 宛然爲自己寫照

山齋賦

宋鄭剛中

觀如居士榜所寓爲山齋有叟趨其下仰而笑曰
名何謂是翁號書生頃嘗履玉階之方寸奉天威
于咫尺非山中之人今者囚竄正木偶因漂南冠
而繫非愛山之時前有謝亭長之閣右乃見督郵
之縣非居山之地名何謂趨而出追問之不告觀
如感而賦曰

予世居金華赤松之下澗林豐草曠野平岡與而爽
動而藏初環翠以通幽鑿嵌巖于遠府忽數峯之援
起入寒翠于穹蒼蓋初平叱石之處孝標讀書之鄉

金華文徵卷之一

賦

十三

山齋一

雖雲可耕也類于真之谷口而盤之樂兮無李愿之
太行矣有桑有麻有梨有栗吾非耕而佃佃則灌而
澗澗或無餌而釣寒溪或帶經而鋤晚日不知芟製
之異乎簪裾不知編茅而類乎營窟挑飛花而送春
雪擁門而入室所以鹿豕不驚烏鳥相得蓋是山中
之一物欺吾者曰爲儒要當釋屣作賦可以得官不
牧羊而隨人燒尾何爲守枯槁而遠長安也脫如豹
隱豈霧中許久猶未成乎一斑也盍亦捨蜩飛之控
地觀鵬翼之垂天平聞而甘之炙背食芹誠忘其陋
不謂沐猴之已冠也柰何草茅之性終在烟霞之窟

不痊服勞而力已朽。願息而中愈頑。雖侯與伯。孰且特而憂悲。眩視此心。無一日不在乎山閭。果以滄浪不濯之身。負數澤難藏之垢。大不足以禦魑魅之祥。小不足以汗豺虎之口。風靜雷收。天高地厚。爰葺此居。使韜百醜。蓬蒿今隱前。松筠今蔽後。湖光今蕩左。江聲今注右。賓客難過于高軒。書記不通乎小走。藜第綦屨。疇嘔巖業。蓋蠻洞丁之所雜。蹂罪戾者居之。不妨戴隆恩于崧岱。寄危根于培塿也。寂無人聲。柴門晝扃。隅坐一窓。度秋林之策策。如臨萬壑。聽風雨之冥冥。掃庸神之滯困。對孤爨之餘清。盥瓶罌而小汲。雜茶薺以同烹。問迷塗于貝葉。窺奧義于羲經。是皆追省愆尤。收召魂魄。處陰休影之地。洒心脩行之庭。彼何叟也。謂吾小齋爲無實而名殊。不知憂幽之病。既定于中。州縣在旁。何落吾事。不須芻以拄頰。自披襟乎爽氣。故園之夢。不生稚子之迎。且置惟松楸之悲。或感動于造化。則首丘而死。尚有望于終焉之計。

金華文徵入卷之一

賦

十四

山齋

評 寫懷寄情。渺有託興。

感雪竹賦

宋鄭剛中

鄭子夜半聞風過庭竹細響淅瀝寒入茵被光在牕
壁晨興啓戶四顧浩然乃階除之雪積也竹有高出
林表受雪既多壓而低者竿拳曲以屬地葉離披而
附枝心固虛而自然根亦牢而不趨然不畏其寒而
畏其重頗見高標困阨之可悲余乃呼童兮假長鏡
之巨柄使盡力兮擊脩篁之凍壑觀負荷兮類積羽
之將沉忽奮起兮信泥塗之可拔色媚媚兮復淨節
落落其難合寒梢一伸所謂此君之風流自不可奪
也蓋其與蒲柳異類松栢同條遭元冥之強梁兮雖
抑遏而漫屈分嶰谷之餘煖兮終櫛蠹而不凋故積
累之勢暫可枉其直復還舊觀則又吟風而飄搖也
雖然雲兮正同雪兮未止弗快漉漉之勢孰見漪漪
之美在物猶然人胡不爾亦有窮卧偃蹇于環堵之
間者乎誰其引之使幡然而起

吳師道題其後云士君子以平生之志發爲一時
之言而一時之言或爲終身之符若北山鄭公所
作感雪竹賦是也方其比物發興引以自道異時
奮拔于困阨之餘不屈于摧折之際往往如之夫
脩身踐言至死弗變固有志者之事而詞氣威儀

所以定命者其理亦微矣若公真有宋之偉人也

金華文徵
卷之一

賦

十六

感雪



昔太史公當漢武東封而恥不得與于從事。韓昌黎讀周公儀禮而恨不得見其揖遜。蓋太平縉禮非常盛事。固英豪特達之人生平所欲身見而親目之也。方今合丘澤之大祀。振虞周之盛典。則夫從事揖遜。今其時矣。乃不得廁迹于駿奔之列。執事于俎豆之間。則其所耻所恨。殆有甚于二子焉。作環堵賦以自喻其辭曰。

會稽之北。浙江之隅。有先生焉。環堵而居。因以爲號。目無所見。耳無所聞。沉靜玄默。晏如也。好讀楊雄甘金華文徵卷之一

賦

十七

環堵

泉賦。口歌心詠。手舞足蹈。自謂古今至樂不外于此。俄而有樂遊公子。追焉席定。環堵先生舉手大言曰。僕聞公子好遊。際天極地。靡所不至。得無樂乎。公子曰。然。吾南遊吳楚。東遊齊魯。北遊燕趙。西遊秦蜀。至樂不可際。先生曰。願無詳。請問其畧。公子曰。吾登山川之嶮巖。窮崖谷之猥僻。觀巨浸之奔騰。觀巒峯之峭壁。矚帝王之遺踪。探英雄之舊迹。先生曰。吁。子無言是職分之所掌。輿地志之所記。班張之所嘗。賦左太冲之所嘗。擬吾目雖未覩。固已稔聞。而厭道于口耳矣。吾之所樂。異于子。公子曰。先生所樂。得非楊雄

氏之賦乎曰然公子曰樂慕其爲人歟抑樂其賦之
組麗歟先生曰吾聞禮俗之盛車騎之美意公子之
聞見未有若是之美也樂遊公子哆爾笑曰是古非
今賤目貴耳是俗儒之陋腐儒之見耳子獨不見聖
天子郊祀之禮乎環堵先生曰其禮何如也願爲我
詳之吾將避席以聽公子曰諾吾之入帝都也絲竹
啾嘈旌旗旖旎神而聽之若作若止睜而望之若伏
若起固已驚神飛魄震心動耳足蹶而不敢躊躇目
瞑而不敢睥睨及至近關則羽衛森嚴鐵衣炳耀總
總林林充衢填要爛燦映日輝光燦燦雲羅霧塞巒
金華文徵入卷之一

賦

十八

景卷二

橫嶺嶠焉。蚩尤之倫。夏育之友。嘑嚙叱咤。呀呀吡
狎。孟育以前。奮襲飛廉。而輕走。彎天狼以翼。羽佩于
將而輝斗。繼而五輅鳴鸞。九旗交錯。鈇鏃玳玲。縹緲
綽約。繪三辰于華旗。耀乾文之景燦。張翠鳳以委蛇。
舒朱纓而錯落。扶招搖以飄颻。映火龍而昭灼。六龍
雲步。萬騎星陳。轟轟軫軫。軋軋麟麟。轆轤轆轆。連蹇
逡巡。簫管嘲啞。金鼓鏗錡。砉砉砰磕。隱隱砉砉。喧曠
天地。震虩雷霆。帝乃登靈輿。升玉輅。蓐收按轡。羲和
司馭。朱雀前驅。玄冥後護。兩師清塵。風伯掃路。聞者
抃舞。觀者竦懼。旣屆靈址。千官景從。太常樂舉。戛戛

蓼蓼碧殿飛漢。翠幕凌空。是夕也。六合澄霽。萬象昭宣。百神受職。千靈表虔。瑞氣氤氳。非霧非烟。崔巍舉。髣髴連延。續續紛紛。繚繞迴旋。祥光煥炳。屬地連天。公卿士庶。靡不具瞻。於是四方羣牧。執玉獻帛。有來雍雍。至止肅肅。將將濟濟。閭閻穆穆。皇心祇載。謁款殊庭。告類上帝。至于百靈。升降損益。倣古依經。精稜交暢。潛通冥冥。樂奏黃鍾。牲用繭栗。鬱鬯既灌。其香苾苾。神用薦祉。和氣充塞。樂備九奏。禮行斯畢。天子乃命有司。回法駕。轉朱輪。暢天浸。波無垠。百嘉函潤。萬宇陶春。汪濊滲漉。無遐不臻。舊染污俗。咸與維新。

金華文徵 卷之一

新若夫。汾陰后土之士。甘泉泰畤之神。或離或合。或偽或真。徒誇車旒之美。謾崇臺館之珍。曷若我國家。舉行盛禮。爰咨爰詢。鴻儒故老。窮究經綸。神無非類。配享惟親。奠南北以爲一。徧羣靈而克禋。起漢唐而遠紹。參三五以爲倫。彼元成之淫祀。又何足爲今日云。今子乃玩無用之空言。說非經之詭譎。慕叔世之故事。而不觀聖朝之大禮。一何鄙歟。環堵先生屏氣蹇踈。疎肩鞠躬。喟然而謝曰。僕南浦之庸叟。東野之鄙人。不聞公子之言。幾汨沒以沉淪。僕雖不幸。請隨後塵。

評
此豈非獻書作賦之才遭時不逢可令英雄
隕涕

金華文徵
卷之一

賦

又十九



商邑岩岩。群山環中。膏液夜湊。英靈內鍾。其人黃綺。其植曰松。翹翹我室。契濶朋從。二友忘言。冉冉秋冬。古之遺植。本尺寸非可較。量繩墨非可究。窮凜凜乎其可嚴。憚也如見。大賔如承。大祭形魄。竦動圭璋。昂顛矯矯。乎其能厲操也。如首陽之二賢。齊魯之兩翁。石忘其堅。山失其穹。確乎其不可拔也。如辭位之太伯。邈乎其不可扳也。如憂世之元龍。炎曦鬱攸。金石銷鋒。冰合九河。雪屯萬峰。毛髮磔磔。不改聲容。如蘭子之完璧。怒髮衝冠。睢陽蔽江。張髯乘墉。天

金華文徵卷之一

賦

二十

二松一

籟。嗥鳴非鼓。非鐘。生三伏之栗冽。時一警于昏聾。若洞庭之樂。鈞天之奏。跌蕩他樂。莫同。斷而支大室之壞。輯而營靈臺之官。如良弼之用舍。係此邦之替隆。雖然待雨露而遂。茂積歲月而強雄。世俗莫得而企仰。蛇鼠謬托于蔽蒙。孰知其筋幹鱗甲。非特據地而摩空。猶龍變化。乘雲高蹤。排陰助陽。追日迴風。超乎六合之表。出乎造化之工。遺琥珀與茯苓。貽命跼于倉公。嗟夫。世人欲速種柳與楓。菌生朽壤。蔓延楚蕞。惟二松之不凡。受正命于厥躬。相與吟嘯而作。其殆莫逆于曾。

評 虬龍鱗甲。颯然欲動。

遂性賦

并序

宋時少章

予受性剛褊與物多忤賴先人明訓未墮大節獨
以寒餓切身之故黽勉從俗懷薰蕕同臭之懼思
欲遠舉自遂翱翔世表而揆之義理或謂非宜乃
作遂性賦推天假命以自戒其詞曰

嗟予生之藐艱今年未老而既衰髮縞髮之垂領兮
兀奕跨其柱頤隨流俗而泛濫兮忝先人之徽猷懼
年歲之已迫兮白日汨乎西流維世道之狷薄兮般
總總其相加抑美球之極摯兮崇頑珉之積瑕鳳皇
低摧于汗濕兮燕雀橫鶩于蒼溟冉冉披披而胥下

金華文徵

卷之一

賦

二十一

遂性

兮奄四極而東傾露織材以爲觀兮蓄汚志而須便
苟芒芴其可糞兮彈溷濁其猶羨予高冠之岌岌兮
荷夙訓于明師禪天資而弗處兮恐自棄于有司操
方矩而入圓兮勢扞格而難親鞭跋驚而不進兮邈
鬼脩而神騰飾厲人以自售兮諒愈脩而更醜晉與
退其皆谷兮忽茫洋而失守予游太行之崔嵬兮挾
艤艫而無庸方闔門而脂牽兮遭洪流之奔洶維堪
輿之網緼兮獨畀予以孤虛北杓翕智兮南箕筮愚
卧櫛標而屢起兮行領顛而懷傷漂一身其何泊兮
念世德之純剛望金華之紆縞兮蒼雲涌而上征翼

萬山而繞雷兮。傾千漲而沃楹。仙人遺予以丹節兮。敕朱鳥使奔走。飛旛挾輶而翱翔兮。豐隆執鞅以先後。軼蒼顛而超忽荒兮。覲洪之宏矩。挹沆瀣以徐沐兮。攬青飈而遐翥。旦弭節于賜谷兮。夕予暨于流沙。擷若木之芳蘂兮。搴碧柰之繁華。賜天馵之精啜兮。給仙駕之副車。蒼虬騁而前訶兮。白鹿三角嶷然而勝。予乘祥風而還帝兮。帝矯首而不歡。曰道可蹈兮。而不可刈。據厥中以自宅兮。委群誕之鮮扁。擲成虧于北景兮。獨春容乎自然。汝何文肆而質靡兮。內徬徨而靡怡。忽橫潰而四出兮。終不莫其所歸。瞰故鄉

金華文徵入卷之一

賦

二十三

遂性三

之草木兮。紛披離而捷獵。籬籬穿而不理兮。落日泊乎西陌。彼狐死猶首丘兮。予何獨忍而違茲。長太息以淹涕兮。馬蹙足而不移。魯叟之大德兮。惟狂簡之爲求。楚纍放而莫徵兮。睇章臺而增憂。申屠刺木以自闕兮。卒皜皜而完節。馬生務近而不浮兮。駢羸蹇于下澤。茲聖賢之竒致兮。朗遺躅其猶白。矧予懷之隘陋兮。寧不反顧而內索。奉慈母之懽忻兮。接群昆之盎和。棲衡門而葆靜兮。摛鳴瑟而長歌。慨旁地之百弓兮。觀卉木之天真。攬菱芙之披秀兮。翫苦藟之懷新。冬網鮮于微波兮。夏摘脆于彎碕。釀岩下之甘

液兮。浙玉山之精糜。迎夜氣之方來。今屏百慮以鎮
之。導聰明而適正。今却謀畫而不持瑞慶以爲宅。今
廣漢以爲庭。視衆譴之滂滂兮。予胡孟晉以超群悲
人生之無幾兮。嗜織芥而捐軀。涸方剛之英氣。今昌
蕪穢之陋區。惟自信而無惑兮。常陟降乎明神。諒天
性之固然兮。何殃慶之足陳。

評 鬱伊多情不多作牢騷語。猶有風人之旨。

金華文徵卷之一

賦

二十三

遂性



大游賦 并序

元吳 萊

毗陵道士盛允昇東游會稽予聞其風神穎異被服蕭爽蓋將自是而汗漫六合者也張君子長約同送之賦用是作遂題曰大游

夫何一高士兮獨曠視乎八區朝吾車之夙駕兮夕予至于清都仰天路之迢遞兮挾陵陽而與俱邇剛風而頰倒景兮浮沆瀣而喻清霞蜚廉起而前導兮輟靈霤使後驅素蜺天矯而爲纓第兮神鳳離礎以揭旗恍大游之所歷兮撫四海其無家喑塵濁之不可以止息兮吾將抵乎崑崙之遺墟嗟東園之我顛

金華文徵 卷之一

賦

二十四

大游一

今探窈委之嵌穴帝禹告予以所藏兮發濤江之漲雪登桐栢之嶄巖兮瞰赤城之嵒巖颺蓬嶠而我欲徑到兮恐蜃樓之明滅歛南轉而弭節兮過瀟霍之層峰放盛唐之匯怒兮梁魚鱉而躡蛟龍倚巫峽之臺觀兮莽蛾眉之雲松泝丹丘予定不死兮躋羽國以從容芻浩歌而西邁兮適金天之沃野遵黃河而跋石室兮王母被髮以笑處尋秦一與九垓兮貫華陰之幽岵招韓衆而許度世兮固肉人之勿遑遽覩乃北折而亟去兮出鴈門之嚴寒恆嶽綿亘乎不絕兮絕碣石于瀾漫搜赤舄于遺榛兮簸樓船乎狂瀾

候鷄鳴而直上日觀兮。吾特痛夫僊學之艱難。伊天地之晦冥兮。脩陵谷之遷徙。遑女媧之隕阜兮。顧嵩少之崑起。經陽都之酒家兮。齊王屋之石髓。披河上之靈筌兮。槌漆園之奧指。惟小別而千齡兮。復一瞬以萬里。劃狐鳥之丘垤兮。洞螻蛄之年紀。心委蛇而自神兮。形曠蕩而離滓。信吹萬之不同兮。恒抱一以終始。胡又居乎寰內兮。欲絕出于大荒。板建木而與爲陟降兮。縮鐵鑊于無傍。瞻帝車之中運兮。闔閭闔以上。征屈軼轅之蹊伏兮。耿招搖之耀鉞。引弧井之壘落兮。炫奎壁之圖章。緡龍漢之寶曆兮。徹鬱繼之神鄉。幸寘身于一氣兮。卒齊壽于三光。宜凡夫之穢濁兮。又孰契夫大道。而翺翔自放。懷于天外兮。眇累塊于千億。惕世途之崒嶷兮。危蠶螿之營役。豈耽名而嗜利兮。或酣酒而溺色。諒金石之銷泐兮。竟丘龍之堆積。笑吾雲之鉅藪兮。縹步景而我服。歎甘露之靈籙兮。和水玉以爲食。彼榮精之有書兮。吾尚懼夫骨籙之弗得。將藥珠之不遠兮。盡蝌蚪而莫識。懿周流而至此兮。聿笑傲以言旋。樂自然之日月兮。攬無鞅之風烟。壓洞庭之浩渺兮。徒林屋之聯。縣龍威吻螺而跼蹐兮。寶鎮晃爛而瑛鮮。迺霄崢之欲旻兮。覺

南竈之猶燃爇火還而躑蛻兮繁小有以鶴翻窮處
無而不宅兮味澹泊以爲淵等古今于一軌兮混生
死其同屬儼坐在而立蛻兮蘊執袂與拍肩真山澤
之一臞兮夫豈論乎三屨暨九仙固道術之所致兮
曷曲諛而究旃馳箋語而往訣兮却永存于上玄
評 奇奧醱類于雲安得從先生問字哉

金華文徵人卷之一

賦

三

本

長曲黃面多秋... 卷之一... 賦... 三... 本...

粵東遊乎海徼兮得偉觀于陽阿登磐陀之疊石兮
路嶮累以巍峩天鷄號而夜半兮歟欲出于重波恍
玄幕之沉黑兮惴火輪之蕩摩緬羲和之有御兮扶
木燧其將花渺湯谷之不可以里兮屆高春其幾何
嗟世寰之安在今尚昧冥而未旦睹帝車之邪迤兮
耿星宿于霄漢漸島嶼之奮鮮兮益森茫而瀾漫恐
闕闐之猶爾夢寐兮類蟄蟲之惛亂胡乾極之牽掣
兮儼機軸之翕張固陰泉之歛烟兮煥熒燧之奮颺
焯踈烏之燿熠燿爛兮渴喙解羽翫以迭碭械焮龍
之燬熿颯昱兮熾額煽目頌其方驤縣燔鏡之熒灼
炭熇兮鮫人泉客副濯有光振頰鼓之焱爚炫輝兮
北落壁壘嘍嚙前行指絲虹之抱戴珥璫兮瑾錯燿
炯繆綢適皇想朱鳥之次舍軌度兮豁達蘭轡鈎聞
燿鉞乘寒滂潮水之顛倒推盪兮散曉赧霞氣之鞦
韆彩章迺蜚騰于寥廓兮竟瞑眩于混茫緊高抗乎
氛曠兮僅啓明之獨爍歛遠麾之廢爝兮遽群動之
盡躩川后潛精而窟藏兮海童覲曜以犇愕鮫鼉揚
鬣撥鬣以悠漾兮鴻鶴刷毛挾翅而陵薄莽瑯琊之
躋臺兮泐鯨山而畫其燮也閭羅浮之矚井兮滉蜃

冗而夜其燭也迅夸娥之杖策兮懼追逐而莫之跳
連也怒魯陽之揮戈兮恠盤礴之弗吾規獲也惟圭
臬之可測兮柰隙駒之焉託恒鞠明而究曠兮遂壯
凋而老鑠昔聖賢之有法兮實蓋渾之同天矧煉石
而凝質兮復斷鼇而鎮淵將渤澥之鑿竈兮淪谷底
而迭燃抑崑崙之嶠峙兮繞岩腹而互旋豈文身黑
齒之俯邇所出兮貫裸壤以相連或掩噬濛汜之遠
壓所没兮罄沃國之窮孺歎嚴冰與朔雪兮曠古莽
之鮮覺常眠惕重蒸與疊蕪兮焮炎丘之毒瘴霾烟
諒衆人之惜陋兮持蜂螳之撲緣偉小兒之辨智兮

金華文徵入卷之一

賦

二十六

海東三

雖膚哲而勿宣彼凡俗之多故兮遇曙朝而卽竟誠
且晝之惜亡兮嚮晦昏而暫定紛仕學之攘爭兮集
農賈之鬪逆滯末作以相資兮侈利心之百穿儻桑
榆之不復滅沒兮盡奪時而力政願鬱儀之恒若溟
泮兮庶保躬而固命噐脆籌而催闕兮警霄柝而告
靜信舉策而豫知兮幸聞鍾而浚省何觀瞻之不足
兮重徙倚以盤桓光已通于一躍兮影奚候于三竿
逮層溟之畢露兮屹東霍之巖巒念列仙之獨往兮
扼羨門于波瀾劃孤嘯而陔降兮撤蒙葑以忻歡顧
秦越之邈不相及兮又焉論夫遠近于長安

評 俱是珊瑚木難

金華文徵 卷之一

賦

二十九

海東

精 瓜長椰樹木鼓

擬古戰場賦

元許謙

客有好遊者。簾金橐糧。脂車秣馬。四海之廣。萬里之遙。謂皆始于足下。蓋將追豎亥之遺踪。繼子長之轍迹。于以觀天地之大。于是浮河絕江。登隴下阪。途平馬疾。地險車緩。或臨澗而俯瞰。或升高而望遠。對景物之虛曠。每徘徊而周覽。爰至巨野。恍若望洋。右倍山陵。前左大江。紛灌莽之杳杳。鬱叢薄之蒼蒼。縱一瞬而莫際。眇乎其數十里之封疆。爾乃心存目想。計度數量。豈古人有事于此遺迹。尚存乎渺茫。周廻隱隱。若城郭之瀾逸。峯隅已壞。而塊土成崗。顏垣斷續。

金華文徵卷之一

賦

三十

擬古

綿延將百雉。類乎築甬道。以取粟于敖倉。其汗下而漸漬者。蓋昔池而今隍。毀轅敗輻。朽腐而僅存。其彷彿。斷刀折戟。消剝而何有乎鋒鏖。是時也。林木將脫。原草未黃。風颺颺兮吹籟。日淡淡兮流光。羗四顧而無人。幾欲去而徬徨。就熟路以騁駕兮。又而至于野人之籬。落召彼故老而訊之。然後知爲古之戰場也。感慨前脩。俯仰陳迹。肆盤桓以夷猶。不忍去者。累日行戰地。吊遺址。連井灶。綴壁壘。守則負險攻。或背水料勝敗之靡常。嗟歲月之已幾。吾試緬想英雄角力于斯地也。發卒募兵。聚芻積粟。破鉏耨而成棘。稍買

刀劍而賣牛犢。育之士肩摩袂厲。勇敵虢虎捷若
飛鶻。一鼓氣作三令。容肅雷轟。礮石電掣。神靈奮戈
揚盾。穿胃洞腹。短兵近接。鐵騎橫蹙。殺氣排空。黃埃
亂日。或乘利而得雋。或逐北而遇伏。或集厚陳而制
勝。或懸孤軍而全覆。及乎弓已絕弦。矢不遺鏃。積骸
爲觀。斷指可掬。姑小却以俟。後圖宜戢兵而虞。大勦
以今度古。不能盡變化之萬一。而戰陳之興。鈺鼓之
教。雖百禩而猶信宿。是以竹樹吞吐。烟塵之表。目眴
眴乎。昆陽之旌旗。鶴鶴嘹唳。風雲之間。耳聵聵乎。八
公之草木。月白兮。鬪饑寒。天陰兮。鬼聲哭。彼進取之

金華文徵入卷之一

賦

三十一

擬古

君爭城爭地。而暴白骨如草菅。忍使天下之人。兄散
弟離。子孤。父獨。自夫達者而觀之。何異左蠻而右蜀
也哉。方今堪輿。塊北開統。拓迹自江左之猷。版圖未
嘗復有干戈之役。遐荒莫敢不來王。所謂不嗜殺人
者能。一民皆安土地。不遺力。嗟此大墟。固可制井經
而務稼穡。飛潛動植。皆囿于發生之仁。熙熙如登春
臺。而享太平之福。于是舞于羽于兩階。朝衣冠之萬

國

評。 吊古誦今。悉按體勢。

庭下有龜白質而黑章。豐上而折附。或曰是璚瑁之屬也。作璚瑁賦。

緊鴻濛之散英。分滋百昌于南紀。邈靈海之于廓兮。涵衆珍之靡靡。其廣無垠。其遐無浹。日月之所亘。四極之所被。裸壤藉其涯。冰天薄其滢。若夫蠻畿羗笮。烏荒象卉。莫不遐舉而兼攬也。于是涕脣稚髻之徒。狼戾戎蠻之裔。挾浮環以亂流。慘霜綸與桂餌。結精鋌以爲網。控三翼之雲馱。檝爲馬兮。舟爲車。陋玄洲與渠子。披淵剔藪。窮珍盡奇。廻輪頓繳。傾于南垂。礫

金華文徵

卷之一

賦

三十一

璚瑁

明月于珠螾。擷貞珠于文魴。刊珠樹之靈柯。舉火齊之夕暉。剽冰純于潛魚。脫竒觔于明犀。迺有鴻商富賈。鉅千之資。載糝昇糗。據險乘危。徵榜人命。水師披瘴。雲櫛炎颶。涉瓊林。走麻離厭。西棚瞰吉。慈陵厲三韓。出汲流眉。絕訶陵。與林邑。歷麻蘭。與勿斯。投鬼關。而徑度。迫海童。而遵蹊。則有罍師奏美。蘆人効竒。囊琛航貝。轉于京畿。不踵而躋。不翻而飛。紛綸奪視。翠粲填眩。天琛水異。霧委星離。雖仲宣之博雅。張華之析微。知崇文鼠辯。治瑤雞。固莫能悉察。而周知也。客有邁歸艫于番禺。得文龜。以遺余。驗神物于幽徑。寔

瑤光之所據上規圓覆下準方輿龍脰宛宛山覆丘
紆中跗絕甲或闔或舒鬱承弁兮峘絳矯反倪兮金
鋪緣純被藻繞脅垂緇冒形紋而綴黝披皓璞以含
黃故其絕翼凌亂隆麗清靚則異文豹饒侍殿防也
繁綜紛紜彤融文璘則湘靈凝涕被叢篁也遠而視
之若赤瑕雜襲照壁璫迫而察之若紫貝駸筑被龍
堂儷龜鼈而方華混餘耿而比瑜瓊嶧鸚螺碧鮒丹
魚方斯茂如也或遺骸于珊瑚之叢或命群于雲精
之瀦若夫鯨鮪鯨鯨鮪鮪鯨鯨鯨鯨鯨鯨鯨鯨鯨鯨
莫不投吻委骨接景流腴至若赤水安流丹涯罷潮
金華文徵入卷之一

賦

三十三

瑤瓊二

沈駭焱于窮髮晞扶光于沃焦歛璇臺于蜃氣結戎
鹽于翠條接余含榮虞蓼垂繇彫蓬鬱遏游龍森葡
蛭蠕蠱填其坳爾乃登珠澤薄無臯躡水英獵神蘭
喋海藻之雕葩蔭靈茆之綠苞出瓊津之方芋涉瓊
田而逍遙接血飛涎卷殼含膏于是豫且構網盧亭
進爵獠市掄材海人薦骨解甲剝腸剖筍醢血哲夫
准量良工辨質或擬通犀而鏤梳希粵象以爲櫛綴
簪珥之燐亂縹靈釵之豔逸壓唐妃之義髻鑑夏姬
之光髮虎髀歛姿宛珠罷潔精逾玉燕價傾寶葉顧

三珠而未奇豈九鷁之能奪委質而嫫母含榮潛輝
則楊文豔滅恥借暎于金苔謝浮光于海蛤或青殿
授妃桂宮御服纏華擷之陸離構寶臺之采縉專別
魚須飭隘荆玉制倫暈禴禮均展鞠乍金燭之辭奩
方紫珍之在御翠氣菱琴素華月鶯影麗雲承葩番
萼跼被玉水之餘滋藉金膏之微污或摘華神屋効
質望仙縮寶帳于霧臺雜明璣以押簾錯以金機照
以玉函芳苾內朗丹髓外燧火齊牀明鬱相蕩珊瑚
窓近青連錢彼僂句與大蔡雖殊用而同體爲王國
之大寶兮顧何辭于三臺羗殺身而無補兮合噪貝
金華文徵八卷之一

賦

三十四

瑤理三

以爲靡翳巾笥于朝廷兮豈神龜之可比幸寄身于
齋房兮脫微生于泥滓微朱鱗以療饑委丹粟以爲
餌或潛跡于金沙或揚波于翠水渺瀛海之東被兮
吞百川之輪委且吾投于清流兮夕振蕩于海尾苟
未忘于反身兮豈沉光于沼沚

評 疑從瑯嬛洞寢食得來

放螢賦 隋史

元陳 樵

蕙草暮■暑除皇歡洽清夜徂命合宮侍燕胥出紫
房背椒除金吾輟警鳳燭成行渴免酒塵飛蓋飄揚
萍駕神移椒蘭夕香千衛百騎乘堅驅良左駿議右
步光幸帳殿臨鞠塲離宮榮觀息宴無方易牙割烹
狄儀挹漿蘭釵如陵桂酒如江鵠漏向丙宸賞未央
皇帝惡丹燭之易銷惜照車之未遠顧碧珪之鮮曜
恨金苔之燭短明月罷懸夜光不展怨白鳳之不來
慕燭龍之遠攬乃有黃門持素園吏荷囊挾丹鳥馳
乘黃於是綠水罷歌艷舞離牀循桂道出蘭堂步神

金華文徵 卷之一

賦

三五

放螢二

草歷重岡比竹無聲蓄軫山陽門燎轉遙圖燭收光
裂囊解橐從風直上亘地彌天光焰百丈聯輝接艷
互滅齊明魏璞分華漢井疏熒玫瑰奪燄火玉辭熒
白虹貫月列火爲城齊連枝之鐙樹配照夜之金精
鞞鞞酣酣前後千乘熏夕幽玄萬象具彰所覲維何
人間天仗華旗孔蓋金璫琳琅犀羈龍勒綉鞅玉瓊
璫鸞搖裔飛屑焜煌文茵毳幙風動帷裳立馬如龍
執戟如霜女騎聯鑣金碧相望巾幘輕明微見花房
鬢列四枝釵分三子華桂瓌帶光連輦悅紺袖分
碧唾花裙袂猶殘紫海水於是乍離乍合將留後去

繞雉扇而如縈綴流蘇而欲舞映橫帶之萬釘耀盈
腰之三組拂瓊弁而懸纓投羽衣而及屢思拔貂而
遽脫已入懷而徑度桃驂振迅皇馭驚疑金盤隨兮
照夜青腰裏兮頻嘶鴟鵂忘明雞人輟畧顧鳩鵲之
失枝誤宮鴉之亂起於是離宮傳燭乘輿言旋鵲籥
夜開入宮下輦餘權未畢影娥零亂戶披露囊人操
紈扇金屋遲明銀牀拾焰帝乃乘官車臨昵殿工登
歌御三飯傳盃授簡以命降仙吳姬再拜而言曰丘
園弱息草來餘燼周旋蘭掖出入椒闥待詔後車策
名清禁沐浴春陽天慈光被榮添楚艷恭逢漢侈近
路委蔓草之荒涼顧回霜而收露幸長近於太陽乃
作歌曰

赫赫皇暮赤精子爲汭化成光萬世銀釭未冷戒
鳴鷄幾度金苔委丹地綺鏡青瑣進疎囊堯禹世
人同寸畧長秋宮中涎涎尾漢以火炎烏用水於
是皇帝作歌網繆宛轉謂侯夫人起而爲亂亂曰
天威燁耀景化行英姿四照宣皇明紫脫華秀泰
階平百王仰鏡萬世榮螢鑒增輝若木英光啓玉

度垂休聲帝乃歌曰

舞玉梢兮歌發梁歌倚瑟兮行羽觴
龍腦烟寒五成帳玉華零落珊瑚牀
愛丹鳥兮往來照禴組兮繁縟光
華夜繞瓊樹枝奠向璿宮妬銀燭
長門懸月照阿嬌共聽天子無愁曲
去官聞之皆稱萬歲評鬱有餘情
妙有餘韻風人驀些之遺也

金華文徵入卷之一

賦

三七

放堂

東白山賦

有序

胡 滅

東白山者東陽之山名也典帙間紀圖牒曩書介東吳而趾越壤者仰止久矣昔謝康樂守永嘉屐齒所及窮極幽邃而雁宕諸峯韞異秘竒若猶斬焉自康樂云逝茲山天露其劃神獻其剡今之東白殆猶是是與走居山之陽志淪林泉頗事翰墨摘辭藻筆抑有待于予者于是作爲東白山賦于以謝山靈簡同志云雖金聲擲地終愧孫公庶移檄斯文有懷素履云爾賦曰

帝昊弘疇示媪富寧天柱屹地維成融者斯峙固焉

金華文徵

卷之一

賦

三十八

東白一

是貞維太白之率崔埒泰華而擅名須女下蔭天孫之精亭毒元運膠軻蒼冥抗金華而作鎮控揚粵而著經右綿會稽左絡霞城巍巍乎實東南之竒觀宅神仙之侷靈者也爾其舍谷紆川襟越肘吳鼉屨遐射夔魍潛都翔揚扼轡以焜景祈支卷躅于窮隅屏翳洩氛豐隆鼓軀朕膚寸以旁覓溶霍霽而舒徐混玄化于萬象忽出有而入無粵乃嶺呈朝簾峰攢衛戟瀑灑天華廩礪翠石嫩箭葆勁以俟括霽薈芽金而宅色阜羽警曙林虬嗥夕仰銀潢以如帶炯蟾蜍之薦壁夭矯丹崖洞敞石室樹染青葱卉羅緝瑋璵

材宗生是焉而出梁杵諸之脩虹棟馭姿之危極于
是登蚪龍攀嶙峭援飛莖斷寒雲枸杞千齡而吠夜
昌陽九節而晡晨液鍾虎魄霧乳茯神農經之所錄
俞跗之是陳莫不稟陽而蔭歛陰以秦征僑吹異赤
須練真攘彭尸而仇辟輔扁緩之術伸復有頂匯天
池氣函華澍產龍子于極淵蠱霓旌于貝宇焰燭神
鬢蜃蟠冥霧滄波灌玉井之泉瓊樹瀉金莖之露逃
矣冥搜于焉奇遇乃若陽烏渴吻蘊蟲竭辭王靡祠
而不塵廟有神而必祈鬣瓢猶斬冰夷負疑陟崇椒
于信宿乞仙嬪之華滋漚尺碾以挹注示蜿蜒而降

金華文徵入卷之一

賦

三十九

東白三

釐

頂有石碾始則涸當天旱士民祈雨
空然漏水可酌千人名曰玉女泉

沛彼帝青沃

我田龜鮮隰膺膺雲稔離離甌窶倉箱汗邪京坻若

然者猶未足以鬯玄鑄而躍天機也逮其灝氣肅

空精八風囊噫萬里涵清然後服鶴衣之濯濯振金

策之鈴鈴翻飛骨以如蛻

瞬澗河之廻縈

秋清氣爽
登其巔墜

錢塘江

困沃洲以微攬峴部婁而若驚蓋將望蓬萊

于咫尺諏林蠢于蒼生翳昔典午巍握乾符時流炳

霽鬱積扶輿遡山之支純孝乃居極終養以術捧樹

宰木于罌如翼乃伊尼斃乃於菟

晉孝子許孜于山
支麓捧土藏親有

鹿觸松
虎斃之

隼馴于梁翟巢于蘆泫斧堂之故迹表二峯

其凌虛

旁有虎鹿二峯

薰德綿祀。瀆簡信書。是以費游彙踵。

纓影造趣。陶淳風于一變。飛妙聲于九衢。若夫緝合

雙宇竺祖二禪。

山下有東西二禪寺

一無三有。並論交繙。詫

地藏之金石。汎異響于天然。

世傳山有金石聲

意神明之默

扈。歷今昔而永傳。且夫泉膏却鍼。石盲忌藥。高蹈幽

玄。寄聲寥廓。猶水蠶而熹寒。火鼠而炙燭。誠木食以

自甘。草服而和樂矣。或乃少室價高。終南徑捷。固當

俗駕于鍾山。謝東臯之素謁。乃有山靈爲之辭曰。桂

樹連蜺。兮山之幽裳。芙蓉兮瑋雲。以爲裘。辛夷楣兮

櫨。爾蕙席蘭席兮。枕安流。對芳泉以爲醕。兮眷冥靈

金華文徵入卷之一

賦

四十

東白三

而爾儔。索蔓茆于靈氛兮。筮將老于斯丘。聊逍遙以

容與兮。羗山中固可以久留。歌畢劃爾長嘯。萬木震

動。戟髮栗肩。愀然而恐。有客做小海。激清商而爲招

隱之歌曰。山有木兮木有枝。思佳人兮莫予携。雨冥

冥兮。山鬼語風嫋嫋兮。猿夜啼嗟乎。山中不可以久

留兮。願執手而同歸。山中人聞之起而爲辭曰。彼山

之玉兮。攻以良。彼山之癭兮。顯以章。亮夫人兮何許。

披琅玕于帝旁。

評 觸目琳瑯

方明賦

元唐元嘉

原聖人之創智必因禮而制物維方明之攸作義深
遠而難測象四方之與神明配六合而可比德置茲
器于崇高爰揭揭以中立爾其上耀玄璧以體天質
地居乎下黃琮並色東青珪而溫潤南赤璋而瑩潔
西號北璜呈其黑白各以其方秩然不易乃設清壇
享士是陟廣其十二尋高其四尺加方明于上冀神
明之感格天子穆穆朝日既畢齋祓一心敬率百職
選良辰歷吉日驅雨師叱風伯召豐隆而前驅命飛
廉于警蹕駕八龍之蜿蜒從黃道而中出既至遺宮
金華文徵八卷之一

賦

四十一

方明

及脩祭祀燔柴告天王贊備具虔格靡怠以敬爲所
鐘鼓鏗鏘威儀容與黍稷是馨威德是主降格群真
續紛來下以禳麻祥以承福祐方明祀畢乃設誓盟
上公奉旒侍立于君五等諸侯駢集如雲濟濟鏘鏘
環珮于廷此會同之大禮曷竭敬而盡誠四時裡望
雖不同而皆及祀于方明乃爲歌曰猗與方明義弘
深兮色體六合以享神兮天子祀茲以會盟兮誠敬
格天鴻休臻兮

評

文亦可奏泰壇泰折之間

東吳主人問于渭川叟曰。子客東南。亦知吳都土物。有可珍者乎。曰。未也。主人曰。吳江拍天。浩浩無垠。中有嘉魚。絕類超倫。匪鱸匪鮪。波行鄰鄰。白質黑章。巨口細鱗。鬢尾玉潔。腹腴冰紋。松江旣秋。笠澤尚春。美菰根於水渚。吹葍絮於江濬。避曲鈞之新月。驚沈網之行雲。白鳥熟睨。以延頸。漁簑臨羨。而逡巡。退結網於江臯。進鳴榔於水津。看玉尺之橫罟。引銀梭而出綸。響跳鳴之撥刺。煦濡沫以繽紛。愛霜鱗之肥白。喜風味之蠶新。鄙流水桃花之春。鱖。麤北溟。跋浪之大。金華文徵卷之一

賦

四二

盧宏

鯢。似者尚或樂。賦於赤壁。幻者亦能光曹瞞之會。寘况其真者。豈不能引秋風之西。起鼓張翰之思。尊。廼所謂金齏而玉鱠。又豈非東南之所珍。於時蘭堂啓宴。鸞。玳。紛。紜。聶。瓊。兮。研。雲。切。玉。兮。絲。銀。媿。蕙。肴。兮。蘭。藉。芼。薑。橘。兮。芳。莘。會。蘭。臺。之。公。子。來。高。堂。之。美。人。問春色於烏程。醉妖歌之紅裙。擅一筍之肥美。厭四事之羶葷。且賞一鱸之郎官。寧美雙魚於王孫。又何慕乎熊之掌。復何羨乎猩之脣。曰。魚固我之所欲。又豈若鱸之美之純者乎。子蓋未之味也。渭川叟曰。子吳人也。味鱸之美矣。亦嘗味。磻谿之魚乎。小者曰鮒。

大者曰鯉釣必纖其綸釣必芳其餌豈假任公投以
五十之轄衛人貪以半豚之體法鈎餌之自然豈式
魚之云爾終一釣以得璜啓八百於姬女應吉卜於
北熊耀崇勳於青史豈屑屑乎一絲之鱸竊竊乎一
味之旨主人吞八九雲夢於胸中迺獨羨一鱸魚之
足美盍一釣以連乎六鷲際風雲乎龍門之裏主人
曰善子盍爲我賦之渭川叟曰主人旣味魚之美矣
豈亦知魚之樂乎主人曰莊生有言子非我焉知我
不知魚之樂乎渭川叟曰然則主人旣知魚之樂矣
又豈不兼知魚鳥之樂乎傳不云乎鳶飛戾天魚躍
金華文徵卷之一

賦

四三

盧魚

于淵渺雲飛而川泳合道體之大全前賢喫緊爲人
處活潑潑地主人豈亦知其所以然而然於是主人
長揖而謝客客遂援筆而竟以賦鱸魚之篇

評子前段有季鷹之典更覺遵美

繫粵山之晚春。嗟蜀鳥之愁人。歎流光之飛電。感往事而沾巾。童子怪而問客曰。客何爲者。客曰。肇昔蠶叢啓邦。西蜀後王。杜宇嗣德。匪淑禪位。豔靈竄身。巖谷化爲子規。羈棲林木。追傷亡國之恨。每深春則痛鳴。而悲哭。故蜀人聞其聲。則爲之避泉。而墮淚。觀其形。則爲之再拜。而潛伏。蓋以其爲古望帝之竟。而致其尊君懷古之意也。方其三春向晚。几扈旣鳴。遺恨填臆。悲衷塞膺。廼振羽於北林。遂鼓翼乎東垆。望西土之萬里。發南山之壹聲。訴悲風於千古。慨往事於

金華文徵人卷之一

賦

四四

蜀鳥

平生旣蚤。叫而暮號。復夜哭而宵征。至若芳郊未暝。花雨猶濕。一望晚煙。千峯落日。反舌息聲。嬌鶯歛翼。於斯時也。沸百酸之攪腸。快一憤之欲雪。繞大地以哀鳴。叫蒼天而出血。羽不停飛。聲無住舌。千林夜驚。百鳥悲咽。聲聲入碧宇之雲。夜夜落空山之月。巖花爲之曉紅。庭竹爲之宵裂。夫何爲而至此極也。蓋傷亡國之遺恨。慨家山之阻隔。悲白帝之芳春。憶錦官之故闕。渺歸路之茫茫。念音書之永絕。痛百感之積中。奮繁聲之激烈。聞者莫不情感而竟驚。心飛而神越。遂使行人灑淚。孀婦沾衣。花寂寂兮春忽暮。草萋

萋兮人不歸望南浦兮不極渺予心兮傷悲於是童
子垂頭而聽枝淚而泣松影月寒棟華風急客栩栩
兮付莊生之一寐何悲乎古蜀帝之亡國

評 悲情冷韻恍遊三峽山水間

金華文徵八卷之一

賦

四五

蜀島

10065

